

1625.

DE
OSSIMUM TUBERCULOSI.



**DISSERTATIO INAUGURALIS
MEDICO - CHIRURGICA,**

QUAM
CONSENSU ET AUCTORITATE
GRATIOSI MEDICORUM ORDINIS
IN
UNIVERSITATE LITERARUM CAESAREA DORPATENSIS
AD GRADUM
DOCTORIS MEDICINAE

RITE ADIPISCENDUM
LOCO CONSUETO PUPLICE DEFENDET

AUTOR
Julius a Mebes
MEDICUS PRIMI ORDINIS.



DORPATI LIVONORUM. MDCCXLVI.

EX OFFICINA ACADEMICA J. C. SCHUENEMANNI VIDUARIA.

Imprimatur

quaec dissertation, ea tamen conditione, ut simulac typis fuerit expressa,
quinquo ejus exempla tradantur collegio ad libros explorandos constituto.

Dorpati Livon, die XXVI mens. Novbr. 1846.

Dr. Bidder
ord. med. h. k. Decanus.

D 17542

Patri optimo, carissimo

JULIO CAROLO JACOBO a MEBES,

Medicinae Doctori, Equiti etc., Medico Rigae pratico

hanc commentationem

gratuar pietatis documentum exstare voluit

filius.

Neminem fugit, maximam adesse analogiam inter ossium morbos et partium mollium. Hoc modo fracturae admodum similes sunt vulneribus; in ossibus invenimus inflammationem, caries nihil aliud est, nisi ulcer, necrosis respondet gangraenae, exostosis pluribus allorum organorum hypertrophiis. Sic multa alia pseudoplasmata, quae in partibus mollibus atque organis internis parenchymatosis conspicua sunt, et in ossibus reperiuntur, atque hoc quidem modo, ut non, sicuti in iis morbis, quos modo diximus, solam analogiam praebant, verum ubique sibi simillimae sint, quia in cadavere eadem structura histologica sunt, in homine autem vivo magnam prae se ferunt differentiam, et e cuiusvis organi textura et e singulorum organorum ad sustentandam vitam necessitate pendentem.

In eorum numerum inter alia etiam tubercula referri licet, quorum pathologicam in tela ossea anatomiam diligenter perserutari nobis est propositum, eoque magis, quod de perpaucis morbis chirurgicis medicorum opiniones admodum contrarie tantopereque diverse sunt, quantopere de ossium tuberculis esse solent. Num, ut exemplum proferam, Francogalli omnes cyphosis paralyticae casus pro affectione ossium tuberculosa haberent, eandem istam affectionem plerique Germaniae medici silentio praeteribant, vel adeo omnino denegabant. Perpauci tantum ei in pathologia aptum, ut debet, locum tribuerunt.

Ossium tuberculosis autem nil aliud est, quam qdae-

dam materiae tuberculosaes in substantiam osseam excretio, et ut *Lobstein, Laennec, Andral, Nicet, Nélaton, Guillot, Mouret, Lenoir*, multi alii docent) in omnibus ossibus, conjuncta cum aliis ossium degenerationibus reperiri potest. Hic morbus plerumque in pluribus ossibus vicinis, uti in apophysibus, in ossibus carpi et tarsi, in columna vertebrali appareat. In quibus autem omnibus non mittendum erit, quod omnis substantia spongiosa trunci ossium rubra sit, dum ossium longorum hyalinum substantia ex cellulis, materia flava adiposaque repletis constet. Contra apud infantes substantia spongiosa in ossibus et extremitatibus et trunci rubra est. Substantia autem rubra spongiosa imprimis corripitur a tuberculosis, quae hanc ob rem apud adultos plerumque in trunci ossibus, et apud infantes aequaliter in extremitatum apophysibus reperitur. Etiam *Nélaton* apud adultum telam ossium adipesam (tissu cellulplex, adipex), et ossium longorum apophysibus et in ossibus brevibus extremitatum, telamque rubram spongiosam (tissu cellulplex, vasculaire, sanguin, rouge) in omnibus trunci ossibus discernit, et tuberculorum formationem solum fere in hac ultima tela rubra spongiosa reperiri contendit.

Tubercula autem, ut experientia cognitum est, in substantia ossium et spongiosa et corticali apparere possunt, ita ut *Nélaton* non recte arbitretur, quum solam rubram ossium substantiam a tuberculis corpori posse dicat, quamquam non possumus, quin contendamus, in substantia ossium corticali, ut in osse petroso et in diaphysis ossium longorum, tubercula rarissime in conspectum venire.

Historica.

Quin veteres medici nonnullas affectionis tuberculosae, praecipue phthisis pulmonalis formas haud ignorarint, nemini

dubium est, verum accuratam tuberculorum descriptionem anatomiceam ad extremum demum superius sacculum accepimus. In libro „*regi voivav*“, *Hippocrati* quem addicunt, de tumore quodam crudo (*φύγα*), in pulmonibus orto, tussique seccas juneto, qui, postea emollitus, febris hectica adduxerit, agitur. Nonnullae res huic affectioni simillimae, reperiuntur in libris *Fel. Plateri, Thom. Bartholini, Bernetii* (theatrum tabidorum), *Bonetii* (sepulchretum). *Morton* (phthisiologia) plerasque tuberculorum pulmonum formas bene adumbravit, *Morgagni* (de sedibus et causis morborum) perpaucia hac de re exponit, tubercula esse contagiosa opinatur; at perpaucia phthisicorum cadavera insecuit. *Stark* tuberculorum in pulmonibus formationem accuratissime descripsit, non minus *Bayle* in commentariis *Coreisartii* (tom. VIII, IX et X) et suis de phthisi perseruationibus. Maximam denique haec de re lucem attulerunt opera, quae composuerunt *Laennec, Dupuy, Abercrombie, Baron, Larcher* (thèse de concours, 1825), *Carswell, Andral, Louis*.

Materiam tuberculosam et in ossibus, praecipue vertebralisibus observatam, partimque gibbositas causam habitam esse, multis veterum scriptis liquet. Sic jam apud *Galenum* (Commentar. III in Hippocratem de articulis) locum, cui eadem subjecta est notio, invenimus. *Hippocrates* enim scripsit, homines columnae vertebralis curvaturis in colli regione laborantes etiam tubercula et obstructiones in pulmonibus habere, ita ut ex hac luxatione vertebrarum, colli spontanea jam pulmonum tubercula deduxerit. Loci, qui notitiam tuberculorum ossium cum distinctione stadii cruditatis et emolitionis demonstrant, sunt etiam apud *Marcum Aurelium Severinum* (de re condita abscessuum natura. Neapoli 1632 Cap. 2 et 3), non minus *Gerber* et *Hancke* ossium tubercula indicaverunt. Ceterum invertum

mihi videtur, utrum haec „tubercula“ nostrae hac de re notioni omnino respondeant, an non potius sint nomen collectivum omnium ossium malorum cum intumescentia junctorum (inter quae praeter tumorum in ossibus formationem etiam ostitis et caries numerandae sunt). Observationem autem non refutatam invenimus in *J. Z. Platneri* (opuscul. tom. III. Lips. 1749 p. 204) prolusione de iis, qui a tuberculis gibberosi sunt. Seriore tamen denum tempore tubercula a *Neibertio* accuratius descripta, etiam *Delpech* (précis élémentaire des maladies réputées chirurgicales. Paris 1816 III p. 629 et l'orthomorphie. Paris 1828 I p. 240) medicorum animos advergit ad ossum tuberculosin, et *Nichet* (sur la nature et le traitement du mal vertébral de Pott. Paris 1835) hunc morbum longius persecutus est, eumque dorsi curvaturarum causam esse putavit. Nec *Delpechio* nec *Nichetio* tubercularum in reliquo sceleto formatio nota fuit. Pathologicus autem hic processus cura et diligentia societatis anatomicae Parisiis (bulletin de la société anatomique de Paris. Août et Novemb. 1837, Mai, Juin, Juillet 1838) multo accuratius est perscrutatus. Quaenamque in re optimae sunt sine dubio *Nélatonii* (recherches sur les affections tuberculeuses des os. Paris 1837) disquisitiones. Omnia autem novissimis temporibus de ossium tuberculis scripta ex hujus proximi auctoris gallici libris plerumque excerpta sunt. Attamen *Meinelii* dissertatio inauguralis (über Knochenberkeln. Münchner Inaugural-Abhandlung. Erlangen 1842) mentione digna videtur esse, quum praeter historiae morbi luc pertinentis narrationem, hanc quoque rem, ad quam Germani hucusque parum certo animobum attenderunt, subtiliter persecuta sit. Citandae etiam sunt annotationes a *Mayo* (Grundriss der speciellen Pathologie. A. d. Engl. von F. Amelung. Darmstadt 1838. Abth. I p. 60) de ossium tuberculis factae.

Genesis.

De prima tuberculorum origine auctores valde inter se discrepant. Potissimas igitur hac de re sententias a primis temporibus usque ad hodiernum diem in quatuor capitales partes dividere, atque in unoquaque capite singula paucis verbis persequi in animo est.

Sententia prima: Tubercula sunt glandulae lymphaticae degeneratae. *Sylvius de la Boë* hujus sententiae, quam *Portal*, *Morton* et *Broussais* acceperunt, auctor est. Qua autem in re fortasse quispiam dixerit, tubercula non raro in talibus organis, in quibus anatomicia nullas glandulas inventit lymphaticas, apparere, et in exquisitione tumorum scrophulosorum majorum intumescentiam non ex glandularum ductus excretoriis morbo, sed ex exsudatione inter hos ductus orta pendere.

Sententia secunda: Tubercula sunt hydatides, quae olim praeceptra *Baroni* fuit sententia. Novissimis temporibus ab ea planè abalienatus est. Ante omnes autem *Carmichael* eam opinionem, qua tuberculum entozoom catenae ultimus est annulus, defendit, unde tuberculi originem generationi tribuit aequivoce, quam existimationem *Nasse* in bovinum tantum pulmonibus veram esse putavit. *Carmichael* vero primus opinionis de hydatidum dégeneratione anam dedit, præsertim quum apud mammalia cystides serosae, hydatides et tubercula uno eodemque tempore in lucem veniant, et *Baron* et *Kuhn* tubercula ante omnia varios unius ejusdemque parasiti exitus esse judicarunt. Qua ceterum concursione tantum adducimur, ut concludamus, apud mammalia formam tuberculorum propriam, ex hydatidibus ortam, exsistere. Num autem eadem ista causa apud homines adsit, serpulus mihi injicitur. Ut ceterum hinc causam nihilominus accipiamus, necesse est, in

pulmonibus, in quibus perspice in diversissimis formationis gradibus adsunt tubercula, etiam hydatides simul reperiamus, quod nunquam fere fieri solet. Rarissima de tuberculis et hydatibus simul uno et eodem tempore in lucem venientibus soi *Andral* et *Cerutti* protulerunt exempla. Praeterea hydatides semper multo sunt majores, quam prima tuberculorum rudimenta; illae suum sibi habent velamentum (vesiculum), ista non, et ut in provectionibus tuberculorum gradibus ex tela cellulosa circumiacente membrana quadam formetur, ista lex, uti postea ex quadam tuberculi cystici varietate videbimus, non semper teneri potest.

Sententia tertia: Tubercula sunt residua aut inflammationis circumscriptae aut congestionis activae. Nam medici gallici, uti *Bouillaud*, *Andral*, *Louis*, *Rilliet* et *Barthes* habent opinionem. Saepe autem in locis tuberoniorum circumiacentibus nihil fere invenimus inflammationis; porro inflammationes pseudoplasmodia procreare, tubercula contra telam adjacentem destruere solent, suppurationem enim genuinam, qualis post inflammationem fieri solet, in tuberculis non invenimus. Chemica denique disquisitio demonstrat, et tuberculorum et inflammationis exsudatorum elementa valde inter se differre, quem haec praecipue fibrinam et albumen, illa autem solum fere caseinum contineant.

Sententia quarta: Tubercula morbi generalis, diathesis propriæ sunt exitus, eorumque formationi inflammatio. sese adjungere potest, necessaria vero non est. Haec est *Laennecii*, quam etiam *Lorinser* secutus est; sententia, cui non minus dispositio hereditaria, quam, ratione tubercula in diversissimis proculque disjunctis organis adsint, favet. Eodem fere modo secundum *Andralii* disquisitiones ex fluido quadam in telam cellulosa diffuso tubercula

orientur, ex quo materia propria tuberculosa fluidi illius resorptione praecipitatur.

Estne ergo post haec omnia tuberculum nova tela, quae in corpore nihil analogi inveniat, quemadmodum *Laennec* docet? an inflammatoria vasorum lymphaticorum et ganglionum mutatio, ut *Broussais* et *Louis* contendunt? an ortum est tuberculum, quod *Andral* monstravit, e pathologica quadam secretione? Cui proximae opinioni et magnus argumentorum, que *Rache* et *Bouillaud* attulerunt, numerus, et observationes a *Mazendie*, *Cruveilhier* et *Schroeder van der Kolk* factae afferri possunt, atque etiam nos, quin ei assentiamur, non dubitamus.

Causæ.

Praecipua tuberculorum causa est generalis quedam sanguinis decompositio, aut congenita et hereditaria, aut acquisita, quam dicunt tuberculosin, simulac propriae illius secretions occasionem præshed, eave imminet: scrophulosin autem, quamdiu in glandulas tantum agit. Quae decompositio et immutatione elementorum proteinæ in succis imperfecta et ab ista pendentí animalisatione sanguinis perversa esse videtur. Qua vero ex causa caseinom, in varias telas effundatur, ibique praecipitur, accuratius expondere non possumus; attamen observatione continua cognitum habemus, irritationis atque sanguinis affluxus diversitatem, quem in variis vitæ periodis, tum in individuis, excretionis locum in universum, inde vero morbi formas, ex tuberculosi prodeentes, constituire et designare.

Quam ad tuberculosin proclivitatem et vietu crudo, aspero, vegetabili, et domiciliis obscuris, et aëre impuro et humido sibi acquirunt homines. Humida tabulata subterranea, angustæ alii aedificiis circumdatae urbium platæ, angusta,

umbrosa, humida convallia, loca aëri parum exposita, textirinae, ergastula, carceres, scholae, orphanotrophea, fodinae ubera sunt loca tuberculis, quae in siccis altisque regionibus multo rarius reperiuntur.

Quod attinet ad regionis varietatem, imprimis frigus humidum tempestatumque vicissitudines subitae cachexiae tuberculosae favere videntur. Quod autem morbus ille pari modo in omnibus regionibus et sempemtrialibus et meridianis, in hemisphaerio et orientali et occidentalib; obseretur, in eo positum est, ut ubique res vegetationi inimicæ cognosci possint, quorum, ut nonnullas afferamus, modo frigus nimium, modo calor nimius, modo aër nebulosus dicenda sunt. Qua ex causa tuberculosis adest et in Islandia et sub circulo aequinoctiali, in Russia et in India occidentali.

Alla causa quedam non admodum quidem rara est masturbationis, quae in corporibus scrophulosis exitum tuberculorum letalem provocare potest. *Jallaguer**^{*)} pueri scrophulosi quindecim annorum, in quo masturbation luxationis spontaneæ femoris sinistri exitum letalem valde acceleravit, et in corpore aperto multa et in pulmonibus et in acetabulo sinistro tuberculæ visa sunt, morbi historiam enarrat.

Quae causæ omnes eadem sunt, ex quibus etiam ipsa scrophulosis pendet; discrimin aliquid inter utrumque morbum, in ipsa rei natura positum, et non solum ad locum et sedem pertinens, servari nequit. Glandula enim scrophulosa aequa est tela materia infiltrata tuberculosa, atque in phthisi pulmonali tuberculosa pulmo tuberculis refertus, ita ut tuberculum initio semper scrophulosum sit, i. e. diathesis quedam adest,

e qua tuberculum nascitur, ut ita dicam, primaria, atque haec est diathesis scrophulosa. Quia si non adest, nulla alia res formationis tuberculorum ansam dare potest. Sed non prius saepe istam habitu generali expressam diatheris scrophulosa intelligimus, quam post aliam ex prava sanguinis affectione ortam rationem et sub aliquantulum modificata a scrophulosis propria discrepante forma, sicuti post exanthemata acuta, scarlatinam, morbillos, post impetiginem, scabiem, post arthritidem, urethro-blennorrhœam, syphilidem, post secretionum, ut menstruationis suppressionem, post fonticalorum, ulcerum sanationem.

Causa externa scrophulosis subsequens, imprimis contusio vehemens, tuberculorum in ossibus formandorum ansam dare solet, quod hunc fortasse in modum potest explicari, ut dicamus, contusionem aliquam, majore minoreve vi in ossa agentem, telæ vegetationem omnino immutare, qua re moleculæ terreæ ab ossium vasis ad incipientis morbi locum adducantur, et tuberculorum formationem perficiant. Etiam *Laborie* opinatur in casu citato^{**)}, tuberculæ post vulnus sclopetarium quoddam, fracturam tibiae comminutivam efficiens, formata esse, atque ostitudem tuberculæ non procreasse, quum jam antea, imprimis in pulmonibus, dispositio tuberculosa ince clarius patuerit.

Ideo caries, post dyscrasiam scrophulosa orta, non inflammationis est exitus, verum degenerationis ossium tuberculosa, porro in ossibus a carie scrophulosa affectis parum reactionis aut plasticitatis auctae intelligimus. Nulla enim hic circum os cariosum conspicua est intumescèntia, nulla hypertrophia nullaque exostoses, sed metamorphosis pathologica clam aut quasi silentio fieri videtur, et degeneratio nihilominus

*³) Observations sur quelques désordres produites par la cachexie scrophuleuse in Suppl. à la Gaz. des Hôpitaux 16 Juillet 1842 p. 305. —

**) Gaz. des Hôpital. 1843. N° 7 et 8. —

raptim procedit, symptomata tantum non tantopere sunt vehementia, quantopere in aliis cariei, ut vertebrarum, formis.

Res igitur ipsa edocunt, ossium périnde atque aliorum organorum tuberculosis ejus tantam aetatis morbum esse solle, in quam hominum evolutio incidat, et in qua illae in lucem veniant assimilatiois anomaliae, quibus nos scrophulosis nomen subjiciamus. Omnia hojns morbi momenta cansalia brevi tantum tempore interjecto latius sese diffundere, i. e. materiam tuberculosam in ossibus formare possunt. Denique, ut alia mittam, infanthia, ubi etiam crescunt ossa, praecipue ad ossium morbos sese applicat, et quidem eo magis, quia corporis constitutio infantum dyscrasice, ut scrophulosis et rhachitis, illorum formationi favent, oportet.

Anatomia pathologica.

Ossium tuberculosin semper fere ex disquisitione demum anatomica, post mortem aegroti facta, aut post partis corporis morbo affectae amputationem accuratius agnoscimus. In homine vivo tuberculosis prae ceteris in morbis successivis, necrosis aut carie, quorum vera causa usque ad disquisitionem ossium anatomica plerumque latet, clarior in lucem venit, quam tuberculorum ipsorum evolutio tarde atque etiam sine inflammatione in primis stadiis, sine tumore fieri soleat. Et inflammatio et tumor postea demum illis sese adjungunt, si materia tuberculosa jam emolliri, in propinquasque partes osseas mollesque latius progreedi coepit.

Quapropter, priusquam singulos ossium tuberculorum formas diligenter contemplamur, accurate microscopii et chemiae ope in aspectum lucemque prolatarum rationum descriptio nequaquam supervacua videtur esse, quum saepe simulac occlus, arte non adjutus, non sufficerit, adjumentis demum, quae

diximus, tuberculorum existentiam certo demonstrare possumus, et quum in asectorum autopsiis tubercula ossinae sine dubio saepissime annotata sint, abi fortasse parum diligenter inspectisse satis habuerint, ita ut nobis istius modi observationum sine microscopii et analysis chemicae ope factarum auctoritatem in dabitationem vocare reapse lieeat. Huc referri probable est, ut mihi quidem fuit opinio, autopsias duas, quas *Larrey*^{*)} descripsit, in quibus ossium tubercula invenisse contendit, in quibus ego vero non possum, quin addam, tuberculum ossis cysticem difficillime esse agnitu, atque tantum ita, si infiltrationem intelligamus tuberculosam, sine microscopio nos ossium tuberculosin agnoscerre posse.

At jam ad reliqua pergamus. Nihil interest, qualia tubercula ex quibusque organis perscrutemur, quum omnia unam eandemque rationem microscopicam demonstrent.

Vogel^{**)} in tuberculorum exploratione microscopicâ multas vedit cellulas, quarum plurimæ magis minusve dilucides nucleos continent. Cellulae istae in variis tuberculosis casibus, quin etiam non raro uno eodemque loco tuberculi permagmas praebent varietates. Interdum parvae, magnitudine $\frac{1}{10}$ " ad $\frac{1}{5}$ ", plerumque rotundæ et extremae eorum linea pellucidae sunt; nuclei eorum magni, magnitudine $\frac{1}{10}$ " ad $\frac{1}{5}$ ", plerumque rotundi; fasci, et cum nucleolis et sine istis, totamque fere cellularum, quæ præter nucleum nulla alia continet corpusecula, implet. Alioquin cellulae sunt majores, magnitudine $\frac{1}{5}$ " ad $\frac{1}{2}$ ", modo rotundæ, modo ovatae, modo forma irregulari, longa, cuncta. Nuclei pro magnitudine cellularum sunt minores, ter-

^{*)} Chirurg. Klinik. A. d. Franz. 1834. III p. 130 sq. —

^{**) Beiträge zur Kenntniss der Säfte und Exkrete im ges. und krankh. Zustande. Leipzig 1841. I p. 457. —}

tiam tantum aut quartam cellulae ambitus partem occupant. Quae cellulae praeter nucleus majorem minoremve numerum granorum adiposorum continent, quae grana, si cibra sunt, cellulis granosis (Körnchenzellen, Exsudatkugeln) simillima sunt. Quae cellulae interdum granula pigmenti nigri continent, quae nigro colore suo et indissolubilitate in aethere a granis adiposis cellularum granosarum, quas diximus, distinguuntur. Inter omnes has cellulas, quarum modo sicut mentio, lex valet, ut lineae eorum extremae acido acetico pellucidiores sunt, imo postea omnino fere evanescunt, dum eorum nuclei immutati manent, ammoniaco antem adhibito non solum extremae lineae, sed etiam nuclei paullatim evanescunt.

Gruby^{*)} in materia tuberculosa propria observavit corpuscula, quibus reperiendis alii auctores frustra operam dederunt, et quae, uti *Gruby* quidem putat, tuberculis singularia dicuntur esse. Quae corpuscula lenticulata esse contendit, rotunda aut ovata, ex flavo alba, quae caepne haud dissimilia ex lamellis composita sunt, puris corpuscula bis vel decies magnitudine superant, kali caustico facile solvuntur, acido nitrico et argenti nitri solutione turgescunt.

Quae corpuscula *Simon*^{**)} hucusque non invenit, medicorum animos autem advertit ad corpuscula illa propria sputorum phthisicorum, quorum praesentia quam maxime est fortuita, et facile facultatem errandi praebere potest. Particulae enim parvae, albae, forma non aequa, materiae tuberculosa similes, magnitudine seminis papaveris aut grani milii, corpusculis a *Gruby* descriptis lenticulatis simillimae, mane interdum

^{*)} Observationes microscopicae ad morphologiam pathologiam. Vindob. 1840 p. 27. —

^{**) Handbuch der angewandten medicinischen Chemie. Berlin 1842 II. p. 316. —}

in sputis inveniuntur. Tinctura jodi vero addita exemplo caerulea fiunt, quare haec grana amyacea esse videntur, et materia ipsa, de qua diximus, nil aliud est, nisi panis frustula tussiendo excreta. Quid autem omnium maxime nobis probat, *Gruby* corpuscula ista materiae tuberculosa non esse propria, id est, quod in aliorum organorum tuberculis omnino non, atque etiam in pulmonum tuberculis in solis sputis reperiantur.

Scharlau^{*)} tubercula accumulatos globulos parvos, magnitudine tantum $\frac{1}{200}$ " " quibus multis locis materia fusca, ex nigro grisea, granulata formetur, esse contendit; rem ita se habere *Gluge* et *Cerutti* scribunt. *Kuhn*, tubercula aspectum, habere verrucosum telamque constitutre tuberosam opinans, haud dubie errat.

Cellularum in tuberculis existentiam imprimis *J. Müller* et *Lebert*^{**)} novissimis temporibus defenderunt. Qui posterior praeterea in tuberculis elementa discernit constantia et accidentia, atque inter constantia numerat nucleos, corpuscula tuberculis propria et substantiam hyalino similem, pellucidam, solidam, quam etiam substantiam intercellularem nominat, quae tuberculo emolito facile liquefit, quaque nucleos et corpuscula tuberculis propria inter se conjugit. Elementa accidentia sunt: melanosis, adeps, fibrae, globuli fusci, crystalli variaque epithelia.

Equidem non ita raro tuberculorum microscopii ope observationum occasionem habui, nulli autem earum, quas supra attuli, sententiarum omnino assentiri possum. Semper materiam

^{*)} Die rationelle Heilung der Lungenknoten. Berlin 1839. p. 36.

^{**) Physiol. pathol. Untersuchungen über Tubercolosis in Müllers Archiv. 1844. p. 190.}

structura carentem cum multis granis interspersis inveni, materiam, ut in fluido snfflavo in glandularum serophulosarum lymphaticarum sectione apparere solet, aut ut eam ex tempore provocare possumus, si fluidum quoddam albuminosum addito acido nitrico coagulamus; idque coagulum sub microscopio contemplamur; est ea, ut paucia dicam, materia, quam nos omnes, qui microscopicas fecerunt disquisitiones, vidiimus, dummodo aliquam telam fibrosam perscrutatus simus, in qua inter singulas fibras hanc ipsam structura carentem materiam cum granis interjectis invenimus, quae solum substantiae tuberculosae proprium signum praebet. Quae grana mihi nil aliud, nisi coagulatio albuminis videntur esse, fortasse futurae cellularum formationis germen, si haec grana cellulæ nondum evolutæ nucleolos habemus. Ceterum non possum egn, quin dicam, hanc proximam opinionem duntaxat hypothesin esse, et longum a me abesse, ut cellularum theoriam hinc, ubi nondum cellulas adsint, proferam, ne sicuti novissimis scriptoribus approbrio sit, quod cellulas viderim, ubi neutiquam adsint. Cellula enim nostro tempore verbum est gratissimum etiam hominibus, qui vix ejus sunt gnari.

Sed jam de analysi chemica tempus est disserendi. Quamquam plures (*Berzelius, Thénard, Dulong, Abercrombie, Lombard, Hecht, Preuss, Güterbock, Wood, Scharlau, Simon*) materiam tuberculosam etiam atque etiam chemiae ope disquisiverunt, id solum tamen inter omnes constat, omnes singulas analyses inter se discrepar, neque tuberculæ bīs, quod attineat ad disquisitionem chemicam, aequalia inventa esse. Quod id sit, in eo positum est, ut 1) analyses chemiae organicae nondum tantopere perfectae sint, ut singulas unius ejusdemque substantiae organicae analyses inter se congent; ut 2) materia tuberculosa, chemice non semper eadem,

eius compositio potius varia sit secundum sedem, secundum cachexiae tuberculosae originem, secundum individualitatem aegroti et secundum stadium et actatem ipsius tuberculi.

Summa chemicarum, quibus etiam summa microscopicarum disquisitionum tubercularum respondet, est: neque ex partium constituentium natura, neque ex eorum compositione, neque denique ex eorum formatione structuram tubercularum organicam invenire possumus: siue dianæ ob reum tuberculosis morbus sit, necesse est, qui nullæ mutationes, nisi causis externis circumduantibus factas, patiatur.

Thénard et Dulong^{*)} tantum calcare phosphoricae et carbonicae in tuberculis, quantum in animalium ossibus invenierunt. Quæ res *Larcherio* cogitationem injicit, materiam tuberculosam nihil aliud esse, nisi immutationem elementorum organicorum ossium et præcipue calcis. Maximam istius sententias fidem facit id, quod plithisicorum ossa facilissime frangunt.

Lombard in tuberculis non emolliitis invenit:

Materiae animalis	98,15
natri moriatie	
calcariae phosphoricae }	1,86
calcariae carbonicae	
vestigia oxydi ferri	

Hecht in sex grammis materiae tuberculosa invenit:

albuminis	1 Gramm. 4 Décigramm.
gelatinæ 1 „ 2 „	
fibrinae 2 „ 8 „	
signæ 1 „ 8 „	

Güterbock in materia tuberculosa ex glandulis bronchialibus et jugularibus invenit: albumen, pyrinum, phymatinum, adipem.

^{*)} Archives génér. de Méd., Paris 1829, Tom. XX, p. 322.

Secundum Scharlau^{)}* centum partes materiae tuberculosa recentis continent:

aluminis	23,32
golatinæ	20,00
fibrinæ	30,35
aquæ et detrimenti	25,62
adipis	4,01

Preuss in materia tuberculosa inventit:

elementorum solidorum	19,5%
aquæ	80,5%

<i>Elementa solidæ</i> materiam continuuerunt animalem, quæ acido aceticō et coctione caseinō similis erat, praeterea adipem cum cholestearinū et paullulum salum.	
Ratio materialium solidarum aqua solubilium in centum particulis haec erat:	
natri cholestearinī	4,94
natri oxalici	13,50
natri muriatici	
natri lactici	
natri sulphurici cum materia propria conjuncti	8,46
materiae caseo similis, aqua solubilis, natri muriatici, natri sulphurici et phosphorici	7,90

Præterea continuuerunt caseinum calore mutatum cum calcaria phosphorica et carbonica, oxydum ferri, magnesiam et sulphur.

Preussii disquisitionum summa ergo haec est: 1) tubercula pferdumque non albumen, verum caseinum continent, quod, si acido aceticō liquefacta sunt, gradatim praecepitur; 2) tuber-

cula elemento, quod diximus, a pure albumen continente se discrēnunt; 3) attamen perinde ac pus ferri oxydum continent; 4) muco nihil uest ferri oxydati, et hac in re a pure et materia tuberculosa discrepat; 5) tubercula habent cholestearinum et oleum ana eam natro; 6) non minus substantiam propriam aqua et spiritu vini solubilem, quæ tinctura gallarum praecepitari nequit; 7) hic insuper varia salia et fibrae sunt addenda, quasi partium tuberculorum destrucatarum reliquie.

Simon (I. c. p. 575) in disquisitione tuberculorum equorum parum materie caseinō similis invenit; cetera eorum compositione haec erat: aquæ 84,27 adipis cholestearinum continentis 4,14 extracti spirituosi cum salibus 1,52 materiae caseinō similis cum salibus 1,52 extracto aquoso 1,14 extracti aquosi et salum 3,80 elementorum indissolubilium 4,44

Lassaigne in tuberculis pulmonum qui præter albumen coagulatum magnam quantitatē calcariae phosphoricae qua cum quarta parte calcariae carbonicae invenit.

Secundum Lebert (I. c.) aqua tuberculorum globulos non communat, acidum aceticum eos pellucidiiores reddit, quamquam ipsos non in aliam formam redigit, et ideo optime diagnostis adjuvat, quippe quod facilissime absentiam nucleorum in corpusculis tuberculorum indicet, atque, ut exempli a cellulis complices nucleos continentibus, imprimis a cellulis puris discernantur, efficiat.

Secundum Boudet^{)}* tubercula in eruditatis stadio conti-

^{*)} Recherches sur la composition chimique du parenchyme pulmonaire et des tubercules in Bulletin de l'acad. royale de méd. 1844. Tom. IX. N. 24. p. 1163.

ment: albumen, caseinam, materiam fibrinosam, materiam spiritu vini fervente solubilem, acidum oleinien et margariticum, adipem sapoatum, acidum lacticum, natron lacticum, cholestearinum. Cimis eorum neque ac pulmenum continet: salia dissolubilia (natron muriaticum et sulphuricum), salia indissolubilia (calcariam phosphoricam et carbonicam), silicium, oxydum ferri. In qua analysi annotanda est permagna quantitas materiae adiposae et cholestearini, quod vicesimam partem ponderis tuberculi siccii efficit.

Tubercula in emollitionis statu et caseo similia secundum hunc evendem auctorem reactionem habent alcalinam. Aqua ad mista enim solutio partim sit calore coagulabilis, albumine separato restat fluidum, quod acido acetico laetic insta precipitat, minore calore exhalatur et floccorum formandorum annsam dat.

In tuberculis crudis caseinum in statu est indissolubili, sed procedente morbo propter ammonii formationem caseinum redditur soluble. Quae exsiccent tubercula friabilia redduntur, tanquam elementa organica destruta atque sola terrea relicta sint. Quae omnia analysis chemica confirmat, demonstrans eorum compositionem similem esse residuo post tubercularum exustionem reliqui. Sed commemoratione est digna, tubercula in calcem versa perparum calcariae phosphoricae aut carbonicae continere, contra in centum partibus septuaginta salium dissolubilium, ut natron muriatum, sulphuricum et phosphoricum. Non liquet, quomodo compositione aliqua, tantum salium dissolubilium quantitatem continens, statum solidum adhuc in organi fluidis impleti parenchymate asservare possit. Vero haec salium dissolubilium in pulmonibus accumulatio id factum explicare videtur, quod multi phthisici de sapore sputorum salse queruntur.

Chemicae nostri temporis analyses caseinum habent elementum, quo tubercula maxime continentur. Quod elementum accepimus, ubi tubercula usque ad siccitatem evaporavimus, ea, quae restant, aethere addito ad adipem hoc modo removendum extrahimus, materiamque adipem liberatam cum spiritu vini rectificato in centum partibus 0,845 ad 0,855 aut 0,915 ad 0,925 continente coximus. Quo sit, ut caseinum cum salibus et materia extractiva extrahamus, postea autem extracta usque ad syrpi consistentiam evaporanda, spiritu vini ex 0,855 in una parte caseinum praecipitandum et denique rursus aqua solvendum est.

Attamen non praetereundum est, caseinum nullo modo summum tubercularum esse elementum, sed per errorem singulas tantum analyses omnibus ceteris praepositas. Interduum enim elementum, quo tuberculum maxime continetur, albumen sanguinis fuit. Coagulatio enim spontanea aliarum exsudationum tuberculosarum, compositas eas esse ex sanguinis fibrina demonstrat. Quarum diversarum sententiarum altera alteri convenit, dummodo cogitemas, exsudata tuberculosa recentia nunquam caseinum, verum solam fibrinam et albumen continere, caseinum contra in solis exsudatis non recentibus apparere, et ideo ex fibrinae et albuminis immutatione formari. Quae immutatio tantum propter absolutam organisationis in exsudatis, quae dicimus tuberculosa, inopiam fieri potest.

Equidem artem chemicam minime intelligo; attamen ad materiam tuberculosam in ossibus demonstrandum, ubi tubercula miliaria infiltrata non agnoscitur, sed ubi fortasse solum tuberculum cysticum ossa funditus destruxit, ratione simplicissima ad ea diagnoscenda usus sum. Fragmentum ossis affecti, aqua elutum, acido acetico concentrato perfudi, idque mixtum in nycthemerum seposui. Fluidum nunc continet nonnulla salia aut, si adsunt, proteini elementa, quae ista solutione cyanureti

ferri cum kalio praecipitatum album formant, quod praecipitatum propter aqua pura dissolubilitatem tantum caseinum esse potest.

Sunt duo genera.

Tuberculosis Ossium*).

Invenitur enim tuberculosa materia vel in una pluribusve collata cavernis, quae mediis ossibus continentar (tubercula cystica) — vel per cellulas ossium dispersa (infiltratio tuberculosa).

Genus primarium.

Tubercula cystica, Balg taberkeln.

Hujus generis duae sunt species et ita distinguuntur:

1) Materia tuberculosa ipsa attingit ossium cavernae parietem (cf. historiam morbi alteram a me allatam, non minus exempla, quaecunque Laennec, Bayle, Kerst, Meinel et Parise haec de re protulerunt, quaeque Nélatonii divisionem adangunt).

2) Materia tuberculosa circumdatur proprio velamento (Nélatonii tubercula cystica).

In hujus generis decursu quinque observantur stadia:

Stadium primum: Granulationes griseae.

In superficie ossium, remoto periosteo, puncta quaedam interjectis vasis reperiantur, quae omnino maculas subcaeruleas, verum etiam non raro exiguae exhibent eminentias. Corticali ossium eorumque deinde spongiosa substantia tabulatim remota, appetat materia circita nonnullarum linearum, quae leviter,

* Cf. Nélaton, recherches sur l'affection tuberculeuse des os. Avec 2 planches. Paris 1837; et Rokitansky, Handbuch der pathologischen Anatomie. Wien 1844. II p. 212 sq.

quum plures parvae granulationes, margaritis simillimae, alboque opali colore, in unum se conjungant. Granulationum istarum, per medium semilineam occupantium, nonnullae imprimis ad crenatum in parvulas, admodum tenues, pellucidasque osseas capsas inclusae sunt. Haud raro invenimus granulationes, quibus ravum, opacum punctum inest, transformationis initium indicans. In spatiis granulationes istas se jungentibos aliquot tenuissima vasa reperiuntur, quae convenienter cum vasis oscae telae, illa circumdantis. Superficies ossis ad eum locum, qui separatae tuberculosae materiae proximus est, novo ossis strato duplicatur. Tuberculosis ossium, dum granulationes sunt griseae, crudaee, disiectae, investigari modo potest, si spongiosa ossium substantia, quae pus tuberculosum exhibitia loca circumdat, accuratissime exploratur. Haec loca inveniuntur intra membranam medullarem, qua canales medullares et cellulae ossium obducuntur. Apparet, granulationes, quas definivimus, plane consentire cum incipientibus pulmonum tuberculis, atque haud parva earum pars saepissime ossibus inest, quae aliis locis bene formata tubercula praebent. Ossea septa, singulas istas granulationes distinguentia, brevi absorbentur, deinde evanescunt, atque postremum appetat.

Stadium secundum: tubercula vera sive cystica.

Quae granulationes, si in unum se conjungunt, priorem colorem et habitum弃ritunt, vasa septaque, quibus disjunctae erant, dissolvuntur, totumque tantum impellacida, alba, ex albo flavescentis materia, similis caemento, sine ulla elasticitate, atque pressioni digiti non cedens, non habet osseas partes, at interdum maculas albidas aut griseas. Haec materia inclusa est in cystidem, quae omnes asperitates cavernae tuberculosae obducit, tenuis, initio gelatinosa, pellucida est, posteriorius autem maxima consistentia, eoque vasculosior, quo magis

tuberculum est emollitum. Ossea caverna plus minusve rotunda est, interdum angulata, et conspicuae sunt aliae minores cavernae cum majore conjunctae. Superficies earum, etsi levis solet esse, interdum multas spinas osseas præbat, quae omnes sere paribus intervallis inter se distant, atque ad cavernae centrum spectant. Interdum paries istarum cavernarum non ossei sunt, verum fibrosi aut cartilagineosi, si tuberculum ad superficiem ossis proprius accessit, i. e. si jacet sub periosteo, quod densatur et arcuatisime cum cystide coheret. Ceteroquin tela osseae, cavernae adjacenti, normalis consistentia et textura est.

Hæc varia tubercula extenduntur a duabus ad tres et quindecim lineas. In universum non frequentia sunt, atque unum grande, tuberculum, saepius inveniri solet, quam pluria parva. In ossium tuberculis periosteum et os adjacens vasculosiora redundantur, et hanc evolutionem vasorum brevi sequitur formatio novorum osseorum stratorum, et ideo tuberculum, ostium in apophysibus ossium, faciliter in cavitates glenoideas, quam ad superficiem ossis progreditur, quem tuberculum, simulacra primitivum os pervaserit, etiam neophyton pervadere oporteat, ad cavitatem glenoideam vero nihil ei obstet.

Stadium tertium: tubercula emollita.

Postea materia tuberculosa emollitur, et quidem nunquam ex centro ad superficiem, sed semper a loco quodam circuitus per totam materiam. Emollitis tuberculis nucus ossis tuberculosis appareat, quem ossa aliquid materiae amittant. Et ita hoc fit, ut tela ossium in tuberculorum materiam recepta statim, sive etiam, dum emolliuntur tubercula, ex vasorum ossium obturazione exulceratione necrotica redditur. Emolitionem tuberculorum superficie finitimarum subsequitur superficialis ossis diminutio; emolitionem tuberculorum in mediis ossibus sitorum — caverna (tuberculosa ossium caverna). Quae posterior

emolitione magis exulcerationis tuberculosae conspicuum signum ossibus est maceratis, quo plures adsunt ossium ipsorum cavernae.

Stadium quartum: nitus eliminationis.

In caverna fluidum quoddam inest, puri tuberculose simile, atque cum multis pusillis, dilabenti arenato hæc dissimilibus, vel etiam cum magnis necroticis ossium fragmentis commixtum. Quae ipsa fragmenta plerumque ex nigro albant, et pure occupantur, verum non ita macrada sunt, ut solet aliis ex causis exortus sequester spongiosi ossis.

Neque in circuitu liquecentis tuberculi varii processus non observantur. Imprimis tubercula secundaria deposita, quæ paullo post emolliuntur et cavernas amplificant. Hyperæmiam secundaria tubercula móventem plerumque phlegosia subsequitur, ex qua gelatiniformis, in granulationes abiecius exsudatio proficitur, qua cavernæ paries obducuntur. Quedsi tuberculosis ossium superficie inhaeret, hyperæmia, vasorum injectio exsudatioque illa maxime conspicuae sunt, et in periosteis morbidos ossium locos obducentes, et in tela cellulosa fibrosaque his adjacentibus inveniri potest. Periosteum obducitur infiltraturque exsudatione ista gelatiniformi, quæ paullatum aspectum lardosum accipit. Pure subter periosteum collato ipsum periosteum in formam sacri extenditur.

Vel saepius inflammatio adeo augetur, ut generali morbo increscente materiam gignat, brevi dilabentem, levam, caseo similem, — tuberculosam ossis infiltrationem —, qua de re postea iterum mentionem faciemus. Infiltratio ista ad celeriter adaugendum ossis tendit atque per alia ossa diffundendas destructiones dat ansam.

Itaque tuberculosa materia collata non differt ab abscessu, qui, ubi cuti proxime accessit, eam inflammat, perforat, atque

tuberculum est emollitum. Ossea caverna plus minnare rotunda est, interdum angulata, et conspicuae sunt aliae minores cavernae cum majore conjunctae. Superficies eorum, etsi levia solet esse, interdum multas spinas osscas praehet, quae omnes fere paribus intervallis inter se distant, atque ad cavernae centrum spectant. Interdum paries istarum cavernarum non ossei sunt, verum fibrosi aut cartilaginosi, si tuberculum ad superficiem ossis proprius accessit, i. e. si jacet sub periosteo, quod densatur et arctissime cum cystide cohaeret. Ceteroquin telae ossae, cavernae adjacenti, normalis consistentia et textura est.

Haec varia tubercula extenduntur a duabus ad tres et quindecim lineas. In universo non frequentia sunt, atque unum grande tuberculum, saepius inveniri solet, quam pluria parva. In ossium tuberculitis periostem et os adjacens vasculosiora redundunt, et hanc evolutionem vasorum brevi sequitur formatio novorum ossorum stratorum, et ideo tuberculum, ostium in apophysibus ossium, faciliter in cavitates glenoideas, quam ad superficiem ossis progrederit, quem tuberculum, simulac primativum os pervaserit, etiam neophyllum pervadere oporteat, ad cavitatem glenoideam vero nihil ei obstat.

Stadium tertium: tubercula emollita.

Postea materia tuberculosa emollitur, et quidem nunquam ex centro ad superficiem, sed semper a loco quodam circuitus per totam materiam. Emollitis tuberculitis ulcus ossis tuberosum appetit, quem ossa aliquid materiae amittant. Et ita hoc fit, ut tela ossium in tuberculorum materiam recepta statim, sive etiam, dum emolluntur tubercula, ex vasorum ossium chitratione exulceratione necrotica redditur. Emollitionem tuberculorum superficie frumentorum subsequitur superficialis ossis diminutio; emollitionem tuberculorum in mediis ossibus sitorum — caverna (tuberculosa ossium caverna). Quae posterior

emollitio eo magis exulcerationis tuberculose conspicuum signum ossibus est maceratis, quo plures adsum ossium ipsorum cavernae.

Stadium quartum: nitus eliminationis.

In caverna fluidum quoddam inest, per tuberculosum simile, atque cum multis pusillis, dilabenti arenato haud dissimilibus, vel etiam cum magnis necroticis ossium fragmentis commixtum. Quae ipsa fragmenta plerumque ex nigro albant, et pure occupantur, verum non ita marcida sunt, ut solet alia ex causis exortis sequester spongiosi ossis, autemque perindea.

Neque in circuitu liquecentis tuberculi variis processus non observantur. Imprimis tubercula secundaria deposita, quae paulo post emolluntur et cavernas amplificant. Hyperaejam secundaria tubercula movementem plerumque phlogosis subsequuntur, ex qua gelatiniformis, in granulationes abiens exsudatio proficitur, qua cavernae paries obducuntur. Quidam tuberositas ossium superficie inhaeret, hyperaemia, vasorum injectio exsudatioque illa maxime conspicuae sunt, et in periosteum mortidos ossium locos obducente, et in tela cellulosa fibrosaque his adjacentibus inveniri potest. Periosteum obducitur infiltraturque exsudatio ista gelatiniformi, quae pallatim aspectum lardosum accipit. Pure subter periosteum collato ipsum periosteum in formam sacci extenditur.

Vel saepius inflammatio adeo augetur, ut generali morbo increscente materiam gigiat, brevi dilabentem, flavam, caseo similem, — tuberculoso ossis infiltrationem —, quae de re postea iterum mentionem faciemus. Infiltratio ista ad colericime adaugendum ossis utraque per alia ossa diffundendas destructiones dat ansam.

Itaque tuberculosa materia collata non differt ab abscessu, qui, ubi cuti proxime accessit, eam inflamat, perforat, atque

fluidum ejicit grumosum, albidis, caseosis flocculis commixtum. Omni tuberculosa materia ejecta fistula remanet, continuo majorē minoremve aquosi puris copiam secernens.

Stadium quintum: sanationis molimina.

Longiore brevioreve temporis spatio intermisso, agrotis ubera姆 suppurationem sustinentibus, sanationis molimina apparent; cystis enim amplificatur, crassiorque sit, ita ut cavernam, quam obduxit, omnino repletat, et denique prorsus aspectum tiae medullaris accipiat. Qui fanstus eventus eo saepius observatur, quo propius primarius morbi locus cuti adjacet, sicuti fuit in Riedii^{*)} casu.

Quem in modum, postquam secundaria tuberculorum formatio extincta est, processus inflammatorii rudera in cavernarum parietibus formam induunt telae fibroidis, lardosae, lealloane. Caverna in thecam crassam, tendacem conversa, tela ossea condensata circumdatur. Tum vero ejus contentum partim resorbetur, partim corrugatione et deminutione thecas in calcem quandam semifluidam, ex griseo-flavescerentem, viscidam, aut in mortarium quoddam, paries obducens, aut denique in concrementum cretaceum commutatur. Hunc in modum ossium tuberculosis sanatur.

Rebus non adversis ossium tubercula in materiam cretaceam vertuntur. Si ita est, in mediis ossibus concrementum quoddam cretaceum, tela condensata obductum, observatur. Ubi tubercula ossium superficie adjacent, concrementum invenitur extrinsecus condensato periosteobtectum. Sin autem materiae tuberculose, ut ad corporis superficiem perveniat, longum est iter faciendum, paullatim ejus copia augetur. Cystis quaedam cellulosa, fibrosa omneum materiam excretam in se

recipit impeditique, quominus in telam cellulosam diffundatur. Ductus fistulosi formati saepe vicissim sinus habent atque locos coarctatos, praesertim quin originem trahant ex regione dorsali. Interdum, ubi secretio lentius procedit, loci magis magisque coarctantur; canalis, qui eos permanat, oblitteratur in funemque fibrosum vertitur. Quapropter observatores nonnulli in errorem capti sunt, opinati, deposita ista materiae tuberculose, ab ossibus distans, nunquam ex ipsis pendisse. Ceteroquin deposita illa resorberi possunt. Etiam cystidis et partium adiacentium suppuratione terminantur. Nonnunquam denique nova exoriuntur tubercula, quae in ipsis tuberculose cystidis partibus incrementa capiunt.

Ut paucis absolvam, tuberculis cysticis proprium est, telam osseam destrueret, neque ut ossium quicquam, neque cartilaginem relinquerat.

Genus alterum.

Infiltratio tuberculosa.

Infiltrationis tuberculose tria sunt stadia.

Stadium primum: infiltratio grisea.

Quaecunque ea afficiuntur ossium partes omnibus locis, quibus ipsa continetur, maculas habent griseas, surubras et semipellucidas, quae ex tuberculosa materia congesta exoriuntur, quarumque circuitus colorum diversitate facile discernitur. Quas, si munitis oculis adspiceris, maculas, ipsis tenuissima vasa inesse, easdemque nonnunquam circulo vasorum sanguineum inmopere repletorum circumdari brevi cognosces. Telae osseae densitas neque adaequa est, neque diminuta. Ossa spongiosa supra his primum vasis repletis eorumque cellulis liquore quoddam adiposo, gelatiniformi turgescientibus partim ex rubro subnigra, partim, cellulis exsudato tuberculoso lique-

^{*)} Meinel, über Knochentuberkeln. Erlangen 1842. p. 52.

centi impletis, pallida sunt. Saepenumero una cum periosteo tumida sunt, elastica, mollia, facile compressu et sectu.

Stadium secundum: infiltratio purulenta.

Materia tuberculosa quandocunque ex albo flavescit et prossus opaca sit. Primo aliquantum dura, paulatim emollitur. Nonnunquam omnino fluida est et puriformis. Hi quoque puris coitus certos habent fines. Vasa sanguifera evanescunt, in tela ossea hypertrophia interstitialis enascitur, ossium circuitu non adancto; ossium cellulae concontrahuntur, paene omnino obliterantur; ipsorumque structura eburnea sit.

Stadium tertium: sequestratio.

Ubi primum ossa hunc in modum commutata sunt, omnis partibus sequenti similia redduntur; vasa aliisque vnde signa desiderant et proinde circulus eliminationis circa ossis partem infiltratam existit, et sequestratio omnia pervadit stadia, quae necrosi sunt propria, quum eam et abscessus et fistulae et suppuratione copiosa subsequantur. Interdum ipsa necrosis observatur, exfoliatio lente procedit, atque si ita est, morbida ossium pars saepe minutatim exfoliat, et in cystide, quae circa abscessum orta est, major minorve copia ossia fragmentorum, arenae haud dissimilium, reperiuntur.

Nonnunquam infiltratio purulenta in partes vicinas diffunditur magnamque ossium partem pervadit. Quae puris deposita raro perinde ac tubercula cystica certis finibus determinantur, et saepenumero caries in partibus viciniis sedam habet.

Si ea, quae modo diximus, ad os quoddam compactum, ut ad os crani referimus, cavitates ejus exsudato tuberculoso repletas invenimus; ipsum spurcum est, ex albo flavescens, necroticum, sequestri tuberculoso simile, in ejusdemque superficie sub periosteo exsudatio ejusdem materiae tuberculose locum habet. Ubi tubercula soli superficiali laminae ossium inha-

serunt, tela ossea et in liquefienti materia tuberculosa perit, et frastim exfoliat; quaquept ossis planities aspera, tuberosa in lucem profertur, quo ex loco, tela ossium interim indurecente, ossiumque copia crescente, affectio morbosa altius descendit. Sanie incubabula, ubi unum alterumve processum, quos diximus, pervasunt, ab ossibus introeunt in partes molles, materia gelatiniformi, lardosa infiltratas, atque, postquam in iis originem abscessum secundariorum (abscessum congestivorum) civerunt, saepe procul a sede ulcerum primariorum foras perforantur. Quae posterior ratio praecipue in tuberculosis sanie incubabulis vertebrarum locum habet.

Si interdum, ut in ossibus carpi seu tarsi, infiltratio tuberculosa cum telae oscae rarefactione observatur, ea ipsa rarefactione ante telae tuberculosa infiltrationem affuit; qua de re exquirendo ossa adjacentia certiores reddi possumes.

Quaecunque ossium partes infiltratione purulenta depravatae sunt, necroticas fiant necesse est. Patet enim, si vasa affectib; quas supra diximus, oblitterata sint, partes morbidas simillimas esse sequestri vero, qui quae circulo eliminationis circumscrribatur atque brevi, sicut in vulgari necrosi, excludatur, tum longo intervallo separetur, quoniam eliminationis circulus, quum infiltratione tuberculosa in partibus vicinis asservetur, formari nequeat. Quae degeneratio tuberculosa, postquam contentum loci sanie decernentis, quo sequester includebatur, emisum, vel partim in massam cretaceam inspissatum est, ita sanitur, ut cicatrix ossea evadat, magnitudini materiae destructae respondens, tuberosa, speciem radiatam sive reticulatam praehens, uniformis, indurata, quae cum periosteo callosco coalescit.

Ossium tuberculorum genera, quae diximus, ita sere differunt inter se:

Tubercula cystica.

1. Granulationes griseae semi-pellucidae.
2. Tubercula cystica opaca, cruda, quibus cystis aut adest, aut deest.
3. Ossium excavatio.
4. Evacuatio cavernae tuberculosa.
5. Hypertrophia cystidis, si qua adest; obliteratio cavernae. Sanatio quidem rarisimae observatur.

Quae quum ita sint, vide, ne prius genus (tubercula cystica) illa cum alia ossium affectione confundas. Genus alterum (infiltrationem tuberculosam) non raro cariem vel necrosis esse putarunt. Verum non est idem ac caries, et ita differt ab ipsa, ut in carie rarefactio, emollitio, adaneta in ossis tela evolutio vasorum, in infiltratione vero eburnatio et exigua vasculositas observentur. Ceterum caries semper ex circuitu ossis ad centrum ejus, affectio tuberculosa contra ex centro ad circuitum progrederit.

Quapropter antequam ipsa caries exorta est, quomodo denuimus, emolliionem adesse probabile est. Initio spongiosa ossium tela afficitur, et quidem initio hyperaemia, quam ob rem rubro est aspectu, deinde cellulae amplificantur emolliunturque, atque materia putrido lieni simili repletae sint. Morbo jam progresso membrana medullaris intumescit, os plane molle est, continet fuscum quoddam sive nigrum fluidum, quamquam substantiae nihil amittitur. Qui status vera est caries, dissolutionio ossium cellularum. Sed ista caries localis non est; in-

Infiltratio tuberculosa.

1. Infiltratio grisea semipellucida.
2. Hypertrophia interstitialis telle osseae.
3. Infiltratio puriformis.
4. Necrosis partium infiltratum.
5. Sequestratio et remotio corporis alieni.

filtratio enim, destructio cellularum etc. usque procedit. Substantia compacta praeterea atrophy afficitur. Quodsi in malo Pottii evenit, ut tuberculum cavitates relinquat, ossium textura tamen et color normaliter se habent (i. e. liberi sunt carie); neque etiam id detrimentum idem est ac sequestrium. Caries etiam in malo Pottii raro observatur, et pro complicazione tantum habenda.

In simplici necrosi interstitiali hypertrophia sequestris non observatur, quamobrem etiam infiltratum ossium tuberculum non pro ossium suppuratione, quam plerumque membranae medullaris inflammationem dicunt, habendum est.

*Natalis Guillot**), tubercula, in infimis ossibus exorientia, diligentius examinans, in autopsia suis cognovit circa ipsa primum quidem membranam spuriam et vasa recentia enasci, quae primo cum generali sanguinis circuitu nondum cohaerent, quem eo tempore ex eo non pendeant. Postea vasa ista influunt in ramulos arteriarum quosdam tenuissimos, quibus membrana spuria obvia sit. Quae membrana convenit cum membrana, quae in tuberculis, extra ossa exorientibus, formatur, nisi quod aliquantulo spissior et crassior est, in laminas discindi nequit, et paene semper ossibus vicinis arte adhaeret. Ubi membrana spuria formata est, cum tuberculis, quae continet, et quae emolliiri cooperant, extenditur, atque aut superficie corporum ossium aut, quod saepius accidit, apophysibus propriis admovetur; saltem tubercula ossium extremitatum ita sese habent. Ubi periosteum proprium accessit membrana, illud densatur et cum ea coalescit. Tela ossea, sub eo sita, exiore saturatiore est, quamquam injectione non ita magnus vasorum numerosus cognoscatur. Qui color procreatur copia quadam sanguinis in

* J. L'experience. N. 109. 1839.

cellulas effusi. Partes illae, sanguine hunc in modum infiltratae, primae resorberunt; simul periosteum emollitior et disparet. Tum vero tubercula, quae membrana illa vasculosa obducuntur, ad media ossa crescunt.

Saepe in cellulis, sanguine impletis, materia albida inventitur, opalo haud dissimilis, quae sub microscope speciem habet puris, et in forma granulationum parvarum parietibus osseis adhaeret. Haec ea materia est, quae a *Nelatonio* sub nomine materiae tuberculose infiltratae admirata est. Pier potest, ut post infiltrationem illam sanguineam exoriatur, ita, ut ex eo pendeat; nam tantum sanguinis disparat, quantum materiae purulenta in cellulis accrescit. Haud raro in uno eodemque osse, imprimis in vertebris et spongiosa ossium longorum substantia omnes transmutationes illae observantur, quae in cellulis iam inde ex infiltratione sanguinea usque ad sanguinem transparentem ex ordine sese excipiunt; qua ex causa *Guillot* eam profectam esse ex sanguinis effusi sola locali transmutatione opinatur.

Alioquin pars glomerationem parvulam, in coagulo, quod cellula continetur, inclusam sese praebat. Interdum vero nonnulla cavorum istorum, sanguine repleteorum, ab aliis distincentur, in quibus suppuratio plane perfecta est, interdum contra omnia cava materia purulenta oppleta sunt, excepto non ita magno eorum numero, quibus in mediis sanguis superest, et ideo in primo deum stadio versantur.

Interdum ossa longa, imprimis infantium, ex infiltratione illa sanguinea singularem quandam mutationem habeunt. Ossium corpora enim ex binis cylindris solidis composita videntur esse, quae specie quadam diploë, cellulas irregulares, permagnas continentis discerpuntur. Quibus in cellulis, quum sanguis materiae purulenta commixtus, tum parvulae puris sive mate-

riae tuberculose insulæ inveniuntur, quae nonnunquam materia quadam nota obductæ mediis ossibus immixtentur.

Membrana vasculosa obducit etiam tubercula in partibus mollibus sita, quae modo eleventur foras, modo articulos versus progrediuntur, ipsos introeuntes. Qui exitus fere semper in tuberculis observatur, quae extra intravé condylos ossis femoris, sub tendinibus muscularum femoris, atque non minus in superficie externa membranae synovialis et circa ligamenta articularia exorivuntur.

In hominibus nondum puberibus tubercula saepe ad eum locum progradientur, quo epiphysis cum ossis corpore conjungitur. Hic enim locus sanguine infiltratus est, epiphysis labile coepit, et denique ab ossis corpore tuberculis, quae semper membranis circumdata sunt, dirimitur. Quod dum sit pars spongiosa epiphysios sanguine infiltratum, itemque cellulae ossium, quibus antea adhaerebant, et maxime friabiles sunt. Interdum infiltratione purulenta adest, de qua supra mentionem fecimus. Alioquin epiphysis in majorem fragmentorum numerum dividitur, quorum tela plus minusve aliena fit, atque specie cellulosa prorsus orbari potest. Tum vero membrana synovialis perforata est, et granulationibus subruberis, levissimo tactu sanguinem fundentibus, et maxime vasculosis obducitur. Articuli pure oppleti sunt, et fistulæ apparent, quae extra aperiuntur. Cartilagine ab epiphysibus distantes partim quidem resorberi solent. Crassitudo fragmentorum restantium varia est; superficies eorum aspera, marginibus tenuibus et irregularibus. Fragmenta aut fragilia sunt, aut adeo emollita, ut gelatinæ aquosae similia reddantur, atque colore sunt vel normali, vel griseo, vel ex fusco nigrescente. Membrana, qua tubercula obducuntur, interim articulum versus progreditur, lacinias maxime vasculosas ei immittit, denique dirumpitur et materiam tuberculosa in

articuli cavum effundit. Interdum tubercula recta via articulum versus progrediuntur; membrana propius ad membranam synovialem accedit, eamque a partibus, quibus, ubi sana est, adhaeret, repellit, et primum contra, tum vero inter cavitatem glenoideam promovetur. Membrana synovialis vasculis repletur, membranae spuriae leviter adhaeret, arte vero articuli superficie, quam contigit.

Saepissime plura inveniuntur tubercula, quae hoc modo, repulsa membrana synoviali, in articuli cavum introverunt, eique materiam emollitam infuderunt. Ruptura membranae synovialis iis locis sedem habere solet, qui superficiebus articulorum non confines sunt. *Guillot* rupturam membranae synovialis cystidi tuberculosa ipsam reprimenti, (unde sit, ut denique cartilago destruatur,) atque ipsos emolliitioni et articuli motibus ascerbit.

Ubi ruptura quedam cystidia tuberculosa in articulo locum habet, symptomata pessima extare solent; membrana synovialis enim maxime inflammatur, quo sit, ut vegetations quam plurimae vasculosae exoriantur, quae aspectum fungorum praebant; siu vero simul fistulae ad cutem perviae apparuerent, status morbosus, introrente aere, magis magisque exacerbatur. Tuberculo articulum invadente res hand minus periculi afferunt, quam pleuram introeunte.

Kerst^{*)} ex observationibus suis concludit, ossa doplici modo tuberculis affici posse, et quidem aut tuberculis, quae in ossium substantia, aut in ipsorum superficie evolvantur. Quod posterius genus imprimis ossa destruere videtur (*Nelatonii* infiltratio tuberculosa, caries superficialis in malo Pottii). Tubercula in mediis ossibus exorientia, ossa distendunt; forsque per-

via fiunt, quocirca tela ossea in utraque re non carie, imo vero compressione, quam tubercula efficiunt, destruitur.

Haud indignum est memoratu, in tuberculosa ossium partiumque adjacentium affectione telae osseae evolutionem accidentem, quae fieri semper locum habeat in systemate fibroso, in partibus vicinis existere. Posita ea enim esse solet in conformatioe laminarum irregularium, quibus ossium particulae magis minusve continentur. Fieri potest, ut magnus tuberculorum numerus, quod in spongiosis vertebrarum tela exoriantur, cum damno ipsius telae cavernas sibi comparet, et cartilagine intervertebrales destruant, perfectam vero columnae vertebralis deviationem non efficiens. Ankylosis, jam subsequens, omnino pendet ex ossificatione praeternaturali, de qua diximus. Quibus in laminis foramina quaedam inveniuntur, per quae materia tuberculosa exit, locis remotioribus unum pluresve abscessus constituta. Interdum conformata nova ossium tela dorsi curvatura retardatur, unde sit, ut species quaedam sanationis spontaneae instituatur, quae fieri nequit, nisi aegrotus lecto quiete incubat.

In casibus, quos obseravyi, plura ossium fragmenta in abscessu videntur, quae jam minus accurate examinata dura videbantur esse et eburnea, multo magis alba, igitur et duriora, quam sana ossium tela in partibus vicinis, quae per media divisa multo magis rubra fuit, et vulgare habebat porositatem vertebrarum. Quamvis priorem quidem rem facile intelligere possimus, quam ossium fragmenta, extra omnem rationem organicam positiva, vasis sanguiferis omnino careant, ideo colore magis albo sint oportet, quam ossa sana, tamen altera ratio explicari non potest, nisi forte statuimus, hoc in re partes terreas praevalere, aut nisi existimamus, rationem illam pendere ex

^{*)} Meinel, über Knochentuberkeln. Erlangen 1842. p. 15.

substantia proteiniformis et praecipua caseina, de quibus supra mentionem fecimus.

Ceterum nequitiam dubitari licet, ut in ejusmodi tuberosis ossium cavernis, ubi tubercula, quae prius aderant, emollita sunt, emolliatio ista non ex altiore quedam inflammationis gradu, in tuberculo orto, profecta sit, quia tuberculum productum anorganicum sit, corpus alienum, et hoc quidam ratione a carcinomate differat; nam carcinoma animatum quoddam habet, quae potest cancerosa continuo studet, ut in suum comodum ipsa augeatur, cum damno organismi atque organorum, quibus parasitica insita est. Quae cellularum evolutione parasitica, qualis in cancro sit, adversus naturalem organismi plasticam stat, atque efficit, ut omnes ipsi adjacentes telae per modo subvertantur. In carcinomatose emolliitionis stadium, sive a centro sive a peripheria incipit, semper respondet adiacentiae vasorum evolutione in tumoribus carcinomatosis. Hic igitur vita quedam adest. Contrarium in tuberculis sit. Haec enim organisatione careant, mortua videntur esse, non apta sunt, neque ad adiutoria vasorum evolutionem, neque ad hyperaemiam, neque ad inflammationem; in quo vero corpora aliena sunt, quae organa irritant. Tuberculorum emolliatio enim ex externis noxibus pendet, quum irritatione secundaria aut inflammatione parenchymatis circumiacentis et serum et pus circum tubercula effundantur, quem substantia inhibitor, et hoc modo maceratione: ex citius dissolvatur.

Itaque dubitari non potest, quin et vasorum et organorum reactio in tuberculorum emolliitione adsit oportens, quum tuberculum cum atrophia organi ipsum pereat atque resiliat. Quam ob rem etiam compressio articulorum in tumore alio summa affect utilitatem, quoniam hoc ex re partim atrophia condyloem ossium movetur. Unde efficitur, ut documentis careat opinio, qua gra-

ulationes discretas a centro emolliiri credantur, quam tubercula majora, quae ex majore granulationem numero composta sint, pluribus peripheriae locis emolliiri possint.

Diagnostica.

Quae supra enumeravimus stadia singularium formarum ossium tuberculorum, in homine vivo discerni non possunt, verum in solis autopisis. Natura enim non istud modi stadia sive partes fecit. Omnis modus vitalis quidam processus est, qui non incisim, sed paullatim, atque, ut ita dicam, continuo progressu ad exitum quietemque evolvitur.

Tuberculorum in ossibus evolutione eadem est atque in aliis organis neque primam ullo modo cogitandi potest. Symptomata non prius patet, quam in emolliitionis stadium abierant, et ipsa quidem prorsus alia sunt, prout quisque locis morbo afficitur; praeterea semper fere ex partium vicinarem reactione pendent. Ossium locis superficiabilibus primos tumores sine colore et plenumque sine dolore cernuntur; ita ut iam inde a principio fluctuatio quaedam observetur. Postea partes molles adjacentes inflammantur, aperturas exorinuntur, exit pus tenue, flocculis caseosis commixtum; demique fistulas apparent. Adhibito specilli in ossibus invenies aut cavernam tempore et levibus symptomatis non respondentem aut interdum ossa minora, usque ad superficiem externam destructa. Nonnunquam confluit ossium longorum et gracilium prorsus interrupto est, aut adest sequester necroticus, qui notas habet, quales Nélaton ostendit.

Jam ex illis signis diagnosticos, valde ambiguos intelligimus, diagnosis incipiente morbo difficultatum esse. Cujus rei causae et evolutionis lentitudo et symptomatum inflammatoryum absentia videntur esse. Tum denum, quum tubercula ut corpora

aliena reactionis ansam dederant, atque symptomata inflammatis formaeque mutatae extiterunt, morbi gravitas conspicua fit. Qui deinde talis existimatur, qualem se praebet, q. e. caries aut necrosis, quae solum morbi subsequentes sive exitus morbi habenda sunt. Columna vertebrali laborante curvatura non desideratur, ossium diaphysisibus morbo affectis tumor albus malignus cernitur, aut pure ad cavitatem glenoideam pervio facto arthropysis appetit. Tuberculosis vero majorum istorum causam esse, plerumque sectione demum et exacto examine anatomico, amputatis membris, cognoscimus.

Alia quedam signa diagnostica actionis istae morbosae, etiam si non semper adsint, haec sunt: nonaumquam dolores acuti et irritatio sympathica, quae organorum, quae intus sita sunt, integritas turbatur, ut cordis, ventriculi et quae reliqua sunt. Accedit febris, quae sub vesperem exacerbatur, comitibus cordis palpitatione, molesto faedio, vomitu, interdum diarrhoea, tussi convulsiva et magno angore. Ubi morbus increvit tumorque impedimenta solida, non tam elastica, quibus in ossium substantia retinebatur, perforavit, extra per cutem partesque molles, quarum telas pressione mechanica sive tuberculorum vi perniciosa immutatae sunt, tumor appetit, qui orditur comitibus irritatione locali, hyperaemia et turgescencia vasorum capillarium hujus regionis, et subsequente rubore et admodum adacto calore.

Quaecunque symptomata modo attulimus, facile confundi possunt cum tumoribus quibusdam elasticis aut aneurysmatibus. Admoto vero stethoscopio tumor tuberculoso, arteriarum pulsatio, quae in aneurysmatibus semper observatur, audiri nequit. Quod ad adactum calorem attinet, de quo diximus, inflammationi imputandus est, qua partes vicinae extensa aut compressae afficiuntur.

Saepissime ossium tuberculosis aut cum carie aut cum necrosi confundi solet. Quam utramque affectionem morbosam, cuius mentionem modo fecimus, symptomata sat manifesta inflammationis ossium antecent, quae cum tumore et doloribus osteocopis conjugantur; tuberculorum evolutio contra paullisper nulla praebet symptomata. Quodsi igitur ossium destructio magna invenitur et pluria loca simul afficiuntur, secundum symptomata, quae vixdum apparuerunt et levia suht, ossium tuberculosis adses existimemus necessis est. Ex puris vero habitu aliquae res accuratius cognosci possunt. Nam si in pure insunt flocculi vel frustula substantiae caseosae, microscopio adhibito et ratione chemica, quomodo supra diximus, ejusmodi substantiam a similibus coagulis, qualia in pure esse solent, distinguemus. Praeterea ossium particulae albidae et durae, una cum pure emissae, de quibus verba jam fecimus, certiorem reddunt diagnosin.

Infiltratione tuberculosa, uti jam antea docuimus, necrosis ossium exoritur, quae cum vera necrosi confundi potest. Necrosis vera autem praecipue ossa compacta affectit, quum tuberculosis fere sola ossa spongiosa afficiantur. Sequester necroticus igitur durus est et solidus, vel, ut aliter absolvam, fragmentum est ossis compacti; granulationibus varium in modum erosum, sequester tuberculosus contra est fragmentum ossis spongiosi.

Substantia tuberculosa, quae in mediis ossibus versatur, facile eadem materia existimari potest ac caries centralis. Cavernae tuberculosae autem in mediis ossibus sitae, magis minusve rotundae sunt, magis minusve leves, et materiam tuberculosam continent, sive cystide inclusam, sive non ita. Caries centralis caverna irregularis est, aspera, quodammodo vermiculosa, et pus in se habet. Ubi caverna tuberculosa foras

pervia facta est, atque praesertim, quum jam omnis materia tuberculosa ejeta sit, nihil esse potest diagnoseos; nam introeunte aere caverna tuberculosa, qualis ab initio fuit, in veram cavernam cariosam convertitur.

Vel difficilius tubercula ab hydatidibus ossium dignosci possunt, nisi forte istiusmodi distinctio omnino fieri nequit. Attamen hydatides sine ulla causa, quae demonstrari possit, evolvuntur, usque ad perniciem vim, quam in essa habent, donec igitur aut fracturam ossis promoveant, aut destructionem tegumentorum ossium foras perviae fiant, quo fit, ut chirurgus istius ossium morbi praesentiam vivente homine ne praesagire quidem animo possit.

Leibert (l. e. p. 264), quae jam sequuntur observata in constituta diagnosi minime negligere menet:

1) Si enim in ossium substantia spongiosa structura areolaris etiam bene conservata, areolaeque nonnullae pars conorata, stagnante repletæ sunt, jam oculis non munitis tubercula flava caseosa facile cognosci possunt. Ubi tuberculis, servata membrana medullaris, aliquantam medullæ immiseatur, pus conservatum etiam aspectum tuberculi semipellucidi accipere potest.

2) Minores ossium abscessus saepe membrana fibrosa includuntur, quare tuberculis cysticis, qualia a scriptoribus describuntur, assimillimi fiunt.

3) Ossium cavernae, imprimis in carie vertebrali, pleniusque nihil aliud sunt, nisi cavernæ sequestre solutum continent, qui, ubi parvus est, aliqua ex parte resorbendi potest. Istiusmodi cavernæ omnino differunt a cavernis tuberculosis.

4) In carie vertebrali saepe ante locum vertebrarum affectane cavernae reperiuntur, quae pulte quadam crasso, caseoso replete sunt, ex quibusque ductus fistulosi regionem inguinalem

versus ad aliave loca progrediuntur. Quae materia, tuberculis emollitis similis, nihil aliud est, nisi pus concretum.

Quae quum ita sint, tuberculosis ossium agniti vivente homine difficultam esse liquet, et chirurgum, praesertim qui temere praejudicet, facile decipi posse, quum symptomata, donec materia tuberculosa emollita nondum foras aut in articulum quedam pervia facta sit, maxime sint fallacia, facileque ostiidi ascribi possint. Etiam si vero multi scriptores incertis iatis symptomatis et difficultate ista paene non superanda, dignoscendi osa tuberculorum vivente homine commoti, processum pathologicum ossium illum omnia negant, tamen nos quidem eadem opinione esse non possumus, nemus de destructiones varias, in autopsiis ossium tuberculosi mortuorum observatas, ex sola ostiide vehementi pendere existinemus.

Et omnia de tuberculorum cysticorum praesentia certiores reddamus, nihil referat, utrum in cadaverum dissectione tubercula cruda demonstremus, nec ne. Etiam si, quod in duabus non vocari licet, nemo forte tubercula cruda ossium insperxerit, tamen, quicunque saepius corpora dissecabat, in ossibus cavernas vidit, certis finibus distinctas, parietibusque omnino integrâ instructas, quae supra his materia quadam vitriariorum caementio hand dissimili replete, interdum etiam magis siccae, cum durisque corporibus, lapillis similibus, commixtae sunt. Quam quidem materiali adesse scriptores, qui morbum, quem diximus, ex ostiide prodire existimant, negare non possunt; attamen concrementa illa ex tuberculo pendere iniusti sunt, opinati, materiali solam compositionem esse puris solidi aut coagulati. At puri solidi quaenam est subjicienda notio? Num reliquum quoddam sive residuum est puris, post fluidi resorptionem? Num fuerunt umquam homines, qui in abscessu, situ suo superficiali, ad observandum et examinandum apto, singula

evolutionis stadia, quae pus percurrat, ut ex fluido in statum compactum transeat; persequi possent? Si ita sit, fieri non potest, ut caverna pure repleta, in eodem statu maneat, postquam maxima contenti pars absorpta est, etiam si materia, de qua hic agitur, cavernam, qua includitur, semper omnino compleat.

Quae modo diximus quodammodo igitur referri possunt ad partes molles, quia in iis, (prout materia foras pervia facta est, copia ejus diminuitur,) contractionem factam esse, existimare licet. At quomodo contractionem istam in tela ossea fieri posse existimemus, ubi, ossium structuram omnino nulla ex parte commutata esse, luce clarius est.

Jam igitur ex iis, quae modo attulimus, liquet; opinionem istam scriptorum, qui ejusmodi morbum (i. e. catiēm aut necrosin) ex ostidice prodire dicant, reapse probari non posse. Ceterum ut vera sit nihilominus ista opinio, neque tamen in concrementis illis, neque in regione vicina signa ultra reperiri possunt, quae originem inflammatoriam demonstrent. Quae inflammatio jam immodica sit, necesse est, ut gangraenam sive, quod idem est, necrosin gignat; atque suppuratio etiam in partibus cavernae confinibus exoriatur oportet: quae omnes res, ut simul adsint, neque levissimum symptomā, neque minimam commutationē partium, quae concrementis illis circumdantur, moventes, non facile fieri potest. Ubi res dubia est, microscopio quidem cognoscere possumus, utrum de tuberculis emolitis, an de pure concreto, an de utroque commixto agatur. Tuberculorum corpuscula vero pure brevi dissolvi, et in fluidum granosum converti videntur, quum saepe in sputis pulmonum haud dubie tuberculorum aliquis ulceribus nulla jam reperiatur corpuscula tuberculorum.

Ceterum longe abest, ut obstinate in sententia nostra consistamus, ubi quis, contrarium verum esse, nobis persuaserit.

Quoad autem rem aliter se habere non edoceamur, concretiones illas ex tuberculosi proficiere non possumus, quin opinemur. Ubinam est signum, quod hic investigatum, simul in pulmonibus demonstrari possit, ubi nemo de concretionum illarum natura addubitet? Telarum normalium diminutio etiam in pulmonibus observatur, itemque status sanitatis partium vicinarum, denique etiam absentia symptomatum reactionis organismi hoc referenda est, quae etiam in tuberculis pulmonum observatur, quum eorum copia tam parva sit, ut functionem organorum illos rom, vitae tam necessariorū, turbare non possint.

Ne igitur ostiditis defensores sequamur, neve nos contineamus in errore, ut nymphae aut papilionis praesentiam demonstremus, non indagatis eruca ipsa aut ovo, quibus originem debent; imo vero id cogitemus, una cum concretionibus tuberculosis in aliqua parte, saepenumero et in aliis partibus systematis ossium et in aliis corporis systematis aliisque organis tubercula, etiam si in proiectiore stadio non versentur, reperi. Quocirea unius ejusdemque processus pathologei convenientia etiam facilis nos commovebunt, ut sententiam sequamur, cuius probabilitatem jam tot alia documenta sat probaverint.

In infiltratione tuberculosa contra isti, qui ossium tubercula negant, dicunt: demonstrete nobis perspicue et dilucide, ita ut nulla dubitatio restet, materiam tuberculosam fragmentis illis inesse, jam ossium tubercula credemus. Quidam vero istiusmodi postulatis respondentem est, nisi papilionem, quamquam eruere, in nymphe versanti, similis non sit, tamen in rebus praeceps cum ipsa convenire.

Alioquin hoc loco, ut sententiam nostram probemus, eadem afferre possimus, quae jam in tuberculis cysticis diximus, adiciendis paucis de symptomatis, sequentibus necrosis, quae ex infiltratione purulenta existat. Ut jam supra commemoravi-

mis, infiltration purulenta semper sese simul adest cum hypertrophia hanc exigua laminarum ossis et cum absoluto vasorum defectu; praeterea ex illo vasorum defectu nutritio omnino nulla fieri potest, i. e. mortificatio partis infiltratae evadit. Quam quidem rem jam scriptores intellexerunt, qui necrosis, infiltrationem tuberculosam subsequentem adumbrarunt. Quam necrosis adversarii e contrario ad ostiitidem retulerunt, nihil certantes, possitne fieri, ut toties inflammatio gangraenam gigant, minime cogitantes, num necrosis ista, quae ex infiltratione purulenta prodiverit, aliqua ex parte similis sit necrosis, quae inflammationem vehementem subsequatur.

Quacunque vero ratione necrosis sit, ubi aliquando extitit, plerisque exulcerationem provocat, quae cum exfoliatione coniungitur, quo sit, ut abscessus et ulcera fistulosa exoriantur. Ejusmodi abscessibus apertis nihil aliud reperiatur, nisi ossium fragmenta nonnulla, minime vero integer sequester. Hic enim in aliquot particulas dilatus est. At quo tandem modo hujusmodi commutatio sit? Si ostiitidis defensores sequamur, conversionem illam ex ossis necrotici putrescentia atque ex telae osseae disjunctione, quae putrescentiam illam sequitur, pendere existimare debemus. Sane fieri potest, ut haec contemplandi ratio experientiae repugnet. Hie vero monendum est, sequestrem ossis partem esse omni vita privatam, qua de re nemo certe addubitat. At ossis putrescentiam neque umquam ipsius strueturam corrumpit, neque ipsum in pulverem convertit? Quis est, qui dixerit contrarium? Id solum fortasse nobis contra dici possit, vulgarem putrescentiam in corporis humani temperie existere non posse. Verum quamecumque temperiem elegimus, exitus semper idem erit. Quapropter hic in re necrosis diminutioni cuidam mechanicae ascribendam esse equidem existimo, quae opinio eo magis assumenda erit, quam ita ad explicandum

phaenomenon illud jam non ad vim vitalem, quam dicunt, refugendum sit, sed ratione illa physicali, eademque sine dubio certiori, res intelligi possit.

De tubercululis, qualia in singulis ossibus sint.

Tuberculæ in singulis ossibus a pluribus auctoribus sunt observata. Exceptis *Nichetio*, *Nelatonio* et *Rokitansky*, qui ossium tuberculæ saepius viderunt, etiam alii quidam casus hic pronuntiandi sunt. Sic *Laennec*^{*)} tuberculæ invenit in ossibus crani, in costis et vertebris, *Andral* in osse sacro et in tibia, *Lugol* in sternō, in ossibus crani atque semeū in osse petroso, in quo etiam *Hamernik*^{**)†} et *Haughton*^{**†}) tuberculæ investigarunt. *Albers*^{††}) tuberculæ invenit in secunda vertebra lumbali, *Palletta*^{†††}) in ultima vertebra dorsali et prima lumbali, *Bayle*^{††††}) in osse parietali, frontalī, in costis, in atlante et aliis columnæ vertebralis locis, *Gaubrie*^{†††††}) in vertebra dorsali decima et decima prima, *Lobstein*^{†††††}) in sternō, osse frontali et parietali, *Kerst*^{†††††}) in diversissimis columnæ

^{*)} Dictionnaire des sc. méd. tom. 65. p. 94.

^{**) Zehn Jahre, Zeitschrift der K. K. Gesellschaft der Aerzte zu Wien. 1844.}

^{**) Von einer angeborenen Taubheit mit Leichenöffnung aus Memoirs of the medical Society of London, Vol. III. p. 4. in Sammlv. auserles. Abb. XV. Bd. p. 586.}

^{††) Canstatt, Jahresbericht für 1842. Pathol. Anatomi. I. p. 106.}

^{†††) Exercitationes pathol. Medicæ. 1820. p. 390. Fig. IV. et V.}

^{††††) Corsart, journal de médi. tom. X. p. 65.}

^{†††††) Bulletin de la société anatom. 1841. p. 56.}

^{††††††) Patholog. Anatomie. Deutsche v. Neurohr. Stuttgart. 1834. I. p. 320.}

^{†††††††) Waarnemingen in het Gebiet der Patholog. en der pathol. Anatomie ex Meinel, I. c. p. 11.}

vertebralis locis. *Meinel* (l. c. p. 28) in undeviginti locis ossium tubercula invenit, *Parise*^{*)} in columna vertebrali, *Laborie*^{**)} in tibia, *Mouret*^{***}) et *Brodie* in ossibus tarsi et metatarsi, *Lebert*^{††}) in costis et sterno, *Toulmouche*^{†††}) in osse parietali et in primis quinque vertebrae dorsalibus; atque in tela medullari condylorum ossium longorum multi medici tubercula observaverunt. *Lebert*^{†††}) denique descripsit autopsiam, in qua callus difformis euniculi duas longitudinales, irregulares, cum membrana fibrosa obductas cavernas continuit, quae impletæ erant tuberculis emollitis, quam rem microscopium luce clarius demonstravit.

Mihimet bis hucusque facultas data est videndi tubercula ossium, semel quidem in ossibus vertebralibus et deinde in condylis femoris et tibiae. Prior casus observatus est in muliere annos duos et triginta nata, quae puerperio absolute malo Pottii conflictata a me auxilium petivit. Brevi tempore post partum finitam feminas aliquo phthisicae dolores vehementes in regione dorsali acciderunt, atque mensibus octo praeteritis paralysis non modo extremitates, sed etiam vesicam et intestinum rectum affecit; simul summus irritationis status pulmonum et febris hectica aderant, quibus rebus aegrota brevi ad mortem confecta est. Aperto corpore mortuo in corporibus verte-

brarum dorsalium tertiae et quartae magna inveniebatur caverna, quae cartilaginem intervertebralem et maximam partem utriusque corporis destruxerat, materiaque caseosa repleta erat, quae jam per longum spatium inter pleuram costalem et pulmonalem et ad diaphragma usque descenderat. In caverna cernebantur ossium aliquot fragmenta soluta, solida, albida, forma varia, ita ut haec in re infiltratio tuberculosa affuisse videatur, quae vi sua pernicioса, quam in ossa adjacentia haberet, mortificationem genuisset. Quod continuo lectulo distinebatur aegrota, cyphosis secundaria exoriri non potuit, quae cum substantiae diminutio permagna fuisset, corporis mola exoriretur necesse erat. Pulmones innumorabili tuberculorum miliariorum numero obsiti erant.

Alter casus^{*)} pertinet ad puellam annorum viginti trium, specie sanissimam, quae inde ab anno, quo vita decessit, jam luxatione spontanea genus sinistri laboraverat. Crus cum femore angulum obtusum, intus spectantem conformavit, in alteriusque lateris extremitate inferiore inebuit. Fibula praeterea ab articulatione cum tibia extra remota esse videbatur. Adhibitis remediis antiphlogisticis, ferulis et compressione panceis post mensibus efficiens, ut genus in directionem normalem restitueretur, dolor tamen in articulo, ubi movebatur ac comprimebatur, etiam tunc vehementissimus erat. Qui tandem diminutus est remediis derivativis, infractionibus tinct, jodi et compressione methodica, quin fasciis et ferulis, genus articulationi impositis, tum adhibita viscera glutinea. Attamen exitus exoptatissimus articulationis ankylosis effici non posuit. Quae quidem etsi sub vitæ finem apparere cooperat, valde imperfecta mansit. Nihilominus symptoma, quae in genus articulatione observabantur, omnino evanescunt.

*) Qui casus maximum habet similitudinem, cum caso a *Thierry* (l'expérience. N. 154.) citato;

*) Des tubercules des os ex Arch. gén. de Méd. 1843. Juin.

**) Ancienne plaie de jambe par arme à feu. Dégénérescence tuberculeuse etc. in Gaz. des Hôp. 1843. N. 7 et 8.

***) v. *Frorieps Notizen* Ed. 46. p. 299.

††) *Müllers Archiv* 1844. p. 260.

†††) Maladies des articulations costo-chondrales et costo-vertébrales avec ou sans ramollissement tuberculeux in Gaz. méd. de Paris. Tóm. XIII. 1845. p. 18.

††††) De la formation du cal. X observation, in Annales de chirurgie française. Févr. 1844.

nescere cooperant, et aegrota postremo interdum vehementibus abdominis doloribus laborabat: qua in re mirum est, post singulos ejusmodi insultus defacementem observatam esse, pure et sanguine commixtam. Urinae excretio impeditissima, quae jam ad symptomatum numerum accessit, et febris hectica vires consumpserunt, donec vita decessit aegrota.

Dissectione facta capsulam synovialem coalitam reperi, qua re imperfecta illa ankylosis explicatur. Tibiae cavitates glenoidales primum quidam solis singulis locis corrosae visae sunt, re autem accuratius examinata cartilagine articulares in modum chartae tenuis supra cavitates subjacentes repletasque materia caseosa extensas vidi^{*)}. In interno tibiae condylus praeterea tuberculum cysticum observatum est, forma amygdalae, ex quo sineulla difficultate saccum involventem deprompsi. Propius ad eminentiam intercondyloideam tuberculum cysticum visum est magnitudine nucis avellanae, cuius capsula specillo ab ossis parietibus amoveri potuit. Condylum tibiae externum tuberculum cysticum forma cylindrica ita suffoderat, ut superne cartilago, extra tibia destructa esset, quo loco, ubi primum incisus est, per eutem materia caseosa permeavit. Quod quidem tuberculum superficiem glenoidalem lateralem peronaeam tibiae perforaverat, quo factum est, ut vivente puella fibula in exteriorum partem remota sit. Adhibita compressione continua reducta est in locum, quo materia tuberculosa dura, et in cretam, ut ajunt, conversa aspiciebatur. Condylum externum ossis femoris infiltratio tuberculosa destruxisse videbatur, quum spectillum in diversas partes etiam per materiam caseosam peragrare

posset. Eodem loco etiam fragmenta aliquot ossium dura, eburnea conspicua erant, totusque condylus eadem fere structura fuit. In condyle interno femoris item parvulum tuberculum cysticum cartilaginem perforaverat, et hoc quoque loco materia caseosa arctissime cohaerebat cum osseis cavernae parietibus. Reliqua condylus superficies, itemque internum patellae planum cariosum erat, cuiusmodi caries haud dubio ex inflammatione, quae tubercula deposita subsequuta est, prodierat. In utroque pulmone, imprimis in lobis superioribus, tubercula et cruda et emollita inveni, itemque in ambobus renibus magnum tubercularum cysticorum emollitorum numerum. In tractu intestinali, imprimis in intestino crasso multa vidi ulcera parvumque tuberculum nondum emollitum, sub membrana mucosa situm. In vesica urinaria tubercula aspectum habuerunt granulationum grisearum, semipellucidarum, i. e. corpuscula adfuerunt magnitudine grani milii, rotunda, solida, vesicae membranae mucosae inhaerentia.

In utroque casu ad confirmandam diagnosin tubercula microscopio examinata sunt. Ex quibus mihi patere videtur, utramque tubercularum formam in variis corporis organis in vicem esse repeteret. In casu priori infiltrationem tuberculosam ossibus et pulmonibus insidentem observavimus, in casu altero tubercula cystica ossium, magnae cavernae tuberculosa pulmonum et renum reperta sunt. Ceterum etiam formae transgressivae (Übergangsformen) infiltrationis tuberculosae et tubercularum cysticorum observantur, ita ut formae illae non ita distincte discerni possint, ut Nodaton dicit.

Ossium tuberculosis tubercula aliorum organorum excludere, id quod nonnulli scriptores docent, ex his, quae jam attulimus, deduci posse, minime probabile videtur esse, quin etiam dici potest, etiam si nonnumquam tubercula in solis ossibus obser-

^{*)} Cujus modi tuberculum etiam apud Nodaton invenitur (Tab. 1. Fig. 3.) In nostro casu tamen non aderat velamentum, ita ut materia caseosa cum ossis caverna arctissime cohaeret.

ventar, plerumque tubercula simul in aliis organis, imprimis in pulmonibus, hepate, liene, renibus, glandulis lymphaticis, et maxime quidem in glandulis mesentericis inveniri. Omnim autem organorum maxima tuberculorum copia columnae vertebralis inesse videtur. Mirum vero Germanicos medicos rarissime ossium tuberculosis observavisse. Ceterum incertum est, utrum ossium tuberculosis in Germania rarius obviam fiat, an hucusque cum aliis ossium morbis confusa sit. Contra non mittendum est, magnum casum numerum, quos sub nomine ossium tuberculorum attulerunt medici Francogallici, certe nihil aliud fuisse, nisi cariem aut rheumaticam aut scrophulosam.

Secundum Nélatonii observationes tubercula in singulis ossibus, quod attinet ad eorum frequentiam, sic observantur: 1) in vertebris; 2) in tibia, femore et humero, quae imprimis apud infantes corripuntur; 3) in phalangibus ossium metacarpi et metatarsi; 4) in sterno, costis et ossibus ilium; 5) in osse petroso et 6) in ossibus brevibus carpi et tarsi.

Singulorum ossium tubercula symptomata magis minusve inter se discrepantia provocant, quae plerumque pendunt ex vi magis minusve vehementi, quam in organa vicina habent. Ideo hunc in modum tubercula, quae a crani ossibus intus accrescunt, cerebri irritationem et compressionem, ossis petrosi tubercula otitidem internam, subsequentibus surditate et puris secretione, atque haud raro cerebri irritationem et compressionem accendentibus, gigunt. In vertebrarum tuberculis plerumque dolores vehementissimi orientur. Ubi medium vertebrae corpus tuberculis laborat, paullatim malum Pottii evolvitur, comitibus doloribus ex organorum consensu pendentibus, spasmisque et paralysibus accendentibus; denique curvatura columnae vertebralis in modum anguli et abscessus congestionis non desiderantur.

Ubi tubercula magis ad peripheriam vertebrarum deponuntur, curvatura columnae vertebralis in modum anguli non tam cito exoritur. Materia tuberculosa, quae in vertebrarum arcubus versatur, facile in canalem medullae spinalis ingreditur, atque paralysia gignit. In costarum et sterni tuberculis symptomata propria non observantur, nisi tuberculis evolutis ossis tegentia, etiam integra, adeo debilia fiant, ut respiratio motibus jam resistere non possint. Aut sensim, aut, si vehementiores sunt aegroti motus, subito tollitur ossium continuitas; ossium fragmenta in respiratio motibus inter se attenuantur, sursum deorsum moventur. Fracturam symptomata pleuritica magis minusve conspicua subsequuntur*). In apophysibus ossium longorum tubercula perforationem cartilaginam, omniaque articulorum inflammationis symptomata efficiunt.

Quod ad formam attinet, ossium crani tubercula globorum magis minusve aequalium formam imitantur, in eavis cylindricis ossium longorum tubercula magis minusve cylindrorum speciem praebent, et quod ad tubercula telae spongiosae ossium brevium aut apophysium ossium longorum attinet, forma sunt varia. Per se ipsum intelligitur, quae modo diximus, ad sola tubercula cystica spectare, quum infiltratio tuberculosa formam magis minusve rotundam in omnibus sibi asservet ossibus.

Prognosis.

Ossium tuberculosis morbus est summi momenti, nec minus periculi affert, quam aliorum organorum tuberculosis, nam ad morbum ipsum referenda est, qui sanari non potest, quum semper eum aut articuli aut membra ejusdam destructio excipiat, ejusque sanatio plerumque artis remedis effici nequeat.

*). In easu, quem Meinel (I. v.) citavit, continuitatis sublatio paulatim facta, nec vero pleuritis observata est.

The r a p i a.

Ex morbi enjusdam indole ejus therapia rationalis pendet. Attamen quam minus causam sufficientem commutationem illarum ex ossium tuberculis pendentium cognoscere possumus, sat superque comperimus. Ex agrorum sensibus et ex perturbationibus functionum, quae nobis manifestae fiunt, nisi verisimiliter divinare non possumus diversitatem vis vitalis a statu normali. Inde lacrimae illae! indicationum fallacitas et instabilis et lubrica therapia nostra, ex ipsis emanans.

Quae quum ita sint, in therapia nobis non mittendum videtur, legem esse primariam, et quae ubique valeat, ut hac quoque in re meminerimus, ossium tubercula periude atque omnem alium ossium morbum organicum, — secundarium, reproductionis morbum, quem dicunt, esse, ideoque remedia non tam in ossa, quam in organa primarie morbosa adhibenda. In ipsa ossa tamen solis chemicis aut mechanicis remediis agere possumus. Haec vero in remediorum apparatu semper postrema sint necesse est, atque maxima cum cautela his utendum. In ipsa ossa remedia dynamica omnino nihil valent, omnesque mutationes, quibus afficiuntur, referendas sunt ad solam vim, quam in partes molles nutrientes habent remedia; quare magis nobis probabile videtur, remedia illa generali humorum circuitu immitti, ubi multo arctius materiae, nutrienti ossa, immiseri possint, quam si ipsis ossibus illiniantur.

Itaque tuberculis adjutrice dyscrasia quadam in ossibus depositis, donec tubercula solis ossibus insideant, sanguinis depletiones multo minus utilitatis allaturas esse, opinor, quam quum postea etiam partes molles circumiacentes inflammatione laborent.

In hoc morbi stadio localis hydrargyri usus haud dubie sanguinis depletionibus prorsus praferendus est; ut ideo

ipse sine mora adhibeatur. Praeterea quicunque est articuli motus, quam plurimum impediatur, ne forte ossa, quum in ejusmodi statu versentur, quid danni sibi contrahant contusione, qua unoquoque motu artus patet. Attamen non praetermittendum est, in ejusmodi casibus virium debilitatem et irritabilitatem jam adeo adactas esse, ut hydrargyrum, ubi ad vim generalem exercendam interne adhibeatur, morbum semper in pejus vertat. Quare investigare debemus, sum hydrargyrum in sola ossa adhibitum eandem habeat vim, quam in interno ipsis usu videmus. Nos quidem non fugit, opiniones, quae omnium maxime de vi Mercurii medicatrice valeant, usum ipsis localem non comprobare; sed non possumus, quin interrogetus, cur toties, si hydrargyri usus localis nihil valeat, hydrargyrum adhibitum sit. Quid de permultis illis casibus censeamus, in quibus glandulae tumefactae aliquie tumores adhibitis hydrargyri aut emplastro aut unguento dissoluti sint aut evanuerint? Etenim ut infirmatum hydrargyrum corpori immittatur, primum quidem ejus partis, in quam agat, vasa permeat oportet, priusquam in interna corporis organa introeat. Quanam tandem ratione vasa permeabit, non ut in ipsa agat?

Porro nobis in curanda ossium tuberculosis indicatio quaedam summi momenti respicienda est, (si omnino remediis adhuc cognitis ipsi satisfacere possumus) i. e. alteratio humorum tuberculosorum. Cui indicationi gravissimae fortasse remediis, quae jam professi sumus, satisfacere poterimus: jodium dico, ejusque preparata, atque oleum jecoris Aselli.

Jodium ratione quadam specifica ossium systematis nutritionem deprimit et alterat. Jodium praeterea dyscrasiam quaedam medicamentariam profert (tebrem judicam, jodium), corporisque reproductionem proprio modo alterat. Quare jodium contra ossium tubercula maxime mihi adhibendum videtur. At-

tamen medici experientissimi vim irritantem, quam in respirationis organa habeat jodium, verentur, praesertim quum, ubi ossium tubercula adsint, etiam pulmones tuberculis non carere soleant. Organorum respirationis irritatio vero magis ex virtute quodam in jodo adhibendo pendere videtur. In ejusmodi casibus igitur id solum nobis officienter videtur, ut corpori tanta jodi copia immittatur, quanta sufficiat, ut reproductio alteretur, simul vero alia corrodendi vis medicamentaria jodi observanda est. Itaque kalium jodatum maxima bie laude dignum est. Ubi autem virium dehilitas aegrotorum jam permagna est, ferrum jodatum sine dubio jodo, puro aut kalio jodato longe praeferendum erit, quum ferrum, quod omnino telas firmet (tonisrend wirkt), et in sanguinis commixtionem vim quandam specificam habeat, salva peritonea combinatione cum jodo, liquecentiam organismi adeo adjuvante, remedium nunc princeps fiat.

Oleum jecoris Aselli a multis scriptoribus contra os-
sium tuberculosis adhibendum vallo laudatur*). Verum ex
exigua jodi parte non satis perspicue intelligi potest, quomodo
adipositi illius olei vis, tam specifice antidyscrasica sit. Nonne
id solo oleo pingui effici censeamus? *Aschersonii**)* obser-
vationibus de munere, quod adipes in conformandis cellulis in-
se suscipiunt, spes nobis injicitur, fore ut plastica morbosa in
meliorem conversa olei jecoris Aselli beneficio modo quodam
accutiori explicetur. Ex *Aschersonii* sententia albuminis
contactu cum adipi quodam fluido semper membrana viscida eademque
elastica efficitur. Olei enim guttula, quae tantum punctum
temporis fluido quodam albumen continente circumdatur, ex-

templo membrana cellulari concluditur; atque ex arbitrio cellulae
artificiales gigni possunt: Cetera olea pinguia similem vim
habent.

Pharmaceuticis medicamentibus etiam unum adjacendum est
mechanicum, efficax, probatissimum, neque non id postremum
est, quo uti possumus, — intelligo ferrum candens. Quod
ubi nihil jam efficeri potest, quum malum nimium aduetum
sit, difficile erit aliquod alterum remedium investigare, quod
anteat ferrum; cuius in laudem jam *Hippocrates* haec pro-
fessus est: „quae ergo non curantur, eu incurabilita sunt.“

Qualis vero sit forma, qua hujus modi remedium adhibeatur, nequaquam ejusdem pretii est, atque ea potissimum apta
erit, qua externa contraria irritatio (äussere Gegeneizung), cir-
cuitu loci affecti respondens, brevi et quam minimo cum do-
lore effici potest, quapropter magis aegrotis prospicies, ubi ma-
jorem partem corporis combusseris, quam ubi ferro candente
profundius in carnem descenderis. Quare ferra caudentia prismatica
in universum minus laudanda sunt, quia citius refrigerant,
quum jam ab ipso initio (vix apposita) fervore suo destituantur,
quo efficitur, ut ferrum candens prismaticum solis coxae ma-
lis aptum sit, in quibus ipsius descensus profundior multoque magis
destruens minus adversus esse solet, dummodo recte imponatur,
neque ipsis trochanteribus admoveatur. In malis columnae
vertebralis autem et genus articulationis Kernii ferrum can-
dens (v. Kern, über die Anwendung des Glüheisen. Wien
1828) cylindricum, cuius nodo (Kolben) pro rerum condi-
tione varia diametros praeberi potest, quum modo quodam aequa-
liori in partes agat, longe praeferendum est. Uno solo virtute
ferrum illud laborat, quod quotunque eo usi sumus, tautopere
nobis incommodum erat, ut admiremur, quare nullus ejus lauda-
tor adhuc de eo commemoraverit. Cujus rei fortasse ideo tan-

*) Sic nobis tradit Thierfelder in duobus ossium tuberculosis casis
oleum jecoris Aselli summa fuisse utilitate, cf. Kneschke, Summarium
39. Bd. X Heft.

**) Müller's Archiv. Januar 1840.

tum nulla est facta mentio, quia laudatores, pudore quedam, minus collaudando commoti, chirurgos vi quadam corporis insigni aliis hominibus antecellere debere, opinati sunt. Quantopere vero aliquis viribus suis excellat, semper in admoveendo ferro candeante edocebitur, ipso quam fortissime locis comburendis impresso, dum partes urentur, ipsum hic illie labare, quae res nullo modo impediri possit. Quae res, opinor, ex levilimataque superficie cylindrica ferri pendet; quum certis locis ipsum sufficentibus careat; itaque ferro, eadem loongitudine, forma vero quadrata, utrinque binis angulis acutis instructo suppleri potest, quum *Kernii* ferrum candens omnium maxime longitudine sua excellat, qua efficitur, ut semel tantum applicandum sit, quo ad propositum pervenias, quia ferro per longius temporis spatium supra corporis partes ducto, ipsam magis magisque refrigerescat, eademque ratione aegroti majoribus doloribus excrucientur.

Itaque singularibus casibus formisque, quas ossium tuberculosis exitus induant, medicus edocetur, utrum remedij pharmaceuticis perniciiosi morbi eventus deleri possint, an ad sustentandam vitam a reputatio membrorum morbos i praferenda sit, quae instituatur necesse est, ubi materia tuberculosa illaquefacta in articuli cayum effusa est.

Theses.

I.

In corpore muliebri duas adesse licet febres intermitentes, attamen nec duplicem, nec duplicatam.

II.

Aliud est curare, aliud sanare, multi sanantur non curati, multi curantur non sanati.

III.

Aurum est optimum remedium, sed malum medicamentum.

IV.

Methodus *Weinholdii* omnino est rejicienda.

V.

Sectioni forensi juris consultus adsit haud necesse est.

VI.

Methodus amputationis panniculata ei est praferenda, qua incisione circulari partes molles resecantur.

VII.

Medicus theoreticus praxi destitutas plus valet quam practicus absque theoria.